

唐書合鈔

唐書卷第二百五十九上

釋尊

東夷

高麗

百濟

新羅

倭

日本

流鬼 從新書增

高麗者出自扶餘之別種也其國都於平壤城

亦謂長安城

卽漢樂浪郡之故地

隨山屈繚爲郭南涯沮水王築官其左又有國內城漢城號別都水

有大遼少遼大遼出靺鞨西南山南歷安市城少遼出

遼山西亦南流有梁水出塞外西行與之合有馬訾水

出靺鞨之白山色若鴨頭號鴨渌水歷國內城西與鹽

難水合又西南至安市人於海而平壤在鴨渌東南以

巨鱸濟人因在京師東五千一百里東渡海至於新羅

恃以爲壘

西北渡遼水至於營州南渡海至於百濟北至靺鞨東
西三千一百里南北二千里其官大者號大對盧比一
品總知國事三年一代若稱職者不拘年限交替之日
或不相祗服皆勒兵相攻勝者爲之其王但閉宮自守
不能制禦次日太大兄比正二品對盧已下官總十二

級

大對盧或曰吐粹曰鬱折主圖簿者曰太大使者曰

帛衣頭大兄所謂帛衣者先人也曰大使者曰大兄
日上位使者曰諸兄曰小使者
日過節日先人曰古鄒大加

外置州縣六十餘城大

城置倂薩一比都督諸城置道使

餘城置處間近

比刺

史其下各有僚佐分掌曹事

有大模達比衛將軍末客
比中郎將分五部曰內部

部曰東部即順奴部也或號黃部曰北部即絕奴部也或號後
部曰漢桂婁部也亦號黃部曰北部即絕奴部也或號後

亦號前部曰西
部卽消奴部也

衣裳服飾唯王五綵以白羅爲冠白皮
小帶其冠及帶咸以金飾官之貴者則青羅爲冠次以
緋羅插二鳥羽及金銀爲飾衫筒袖袴大口白韋帶黃
革履國人衣褐戴弁婦人首加巾幘好園基投壺之戲
人能斃鞠食用籩豆簋簠樽俎罍洗頗有箕子之遺風
其所居必依山谷皆以茅草葺舍唯佛寺神廟及王宮
官府乃用瓦其俗貧窶者多冬月皆作長坑下燃煨火
以取暖種田養蠶畧同中國其法有謀反叛者則集衆
持火炬競燒灼之焦爛備體然後斬首家悉籍沒守城
降敵臨陣敗北殺人行劫者斬盜物者十二倍

新書
十倍
酬

星書卷之二
一
贓殺牛馬者沒身爲奴婢大體用法嚴峻少有犯者乃

至路不拾遺

婚娶不用幣有受者恥之服父母喪三年兄弟踰月除

其俗多淫祀

事靈星神日神可汗神箕子神國城東有大穴名神隧
皆以十月王自祭之俗愛書籍至於衡門廝養之家各
於街衢造大屋謂之扁堂子弟未婚之前晝夜於此讀
書習射其書有五經及史記漢書范曄後漢書三國志
孫盛晉春秋玉篇字統字林又有文選尤愛重之其王
高建武卽前王高元異母弟也武德二年遣使來朝四
年又遣使朝貢高祖感隋末戰士多陷其地五年賜建
武書曰朕恭膺寶命君臨率土祇順三靈綏柔萬國普

天之下情均撫字日月所照咸使乂安王旣統攝遼左
世居藩服思稟正朔遠循職貢故遣使者跋涉山川申
布誠懇朕甚嘉焉方今六合寧晏四海清平玉帛旣通
道路無壅方申輯睦永敦聘好各保疆場豈非盛美但
隋氏季年連兵構難攻戰之所各失其民遂使骨肉乖
離室家分析多歷年歲怨曠不申今二國通和義無阻
異在此所有高麗人等已令追括尋卽遣送彼處有此
國人者王可放還務盡撫育之方其宏仁恕之道於是
建武悉搜括華人以禮賓送前後至者萬數高祖大喜
七年遣前刑部尙書沈叔安往册建武爲上柱國遼東

郡王高麗王仍將天尊像及道士往彼爲之講老子其王及道俗等觀聽者數千人高祖嘗謂侍臣曰名實之間理須相副高麗稱臣於隋終拒煬帝此亦何臣之有朕敬於萬物不欲驕貴但據有土宇務其安人何必令其稱臣以自尊大卽爲詔述朕此懷也侍中裴矩中書侍郎溫彥博曰遼東之地周爲箕子之國漢家元菟郡耳魏晉以前近在提封之內不可許以不臣且中國之於夷狄猶太陽之對列星理無降尊俯同藩服高祖乃止九年新羅百濟遣使訟建武云閉其道路不得入朝又相與有隙屢相侵掠詔員外散騎侍郎朱子奢往和

解之建武奉表謝罪請與新羅對使會盟貞觀二年破
突厥頡利可汗建武遣使奉賀并上封域圖五年詔遣
廣州都督府司馬長孫師往收瘞隋時戰亡骸骨毀高
麗所立京觀建武懼伐其國乃築長城東北自扶餘城
西南至海千有餘里十四年遣其太子桓權來朝并貢
方物太宗優勞甚至詔使者陳大德持節答勞且觀
曲見華人流客者爲道親戚存亡人人垂涕故所至士
女夾道觀建武盛陳兵見使者大德還奏帝悅大德又
言聞高昌滅其大對盧三至館有加禮焉帝曰高麗地
止四郡我發卒數萬攻遼東諸城必救我以舟師自東
萊帆海趨平壤固易然十六年西部大人蓋蘇文父爲
天下南平不欲勞人耳蓋蘇文當嗣國人惡之不得立頓首謝
大人對盧死蓋蘇文當嗣國人惡之不得立頓首謝
衆請攝職有不可雖廢無悔衆哀之遂嗣位殘凶不道

攝職有犯諸大臣與建武議欲誅之事洩蘇文乃悉召

部兵云將校閱并盛陳酒饌於城南諸大臣皆來臨視

蘇文勒兵盡殺之死者百餘人焚倉庫因馳入王宮殺

建武

殘其尸投諸溝

立建武弟大陽子藏爲王自立爲莫離支

猶中國兵部尙書兼中書令職也自是專國政蘇文姓

泉氏

或號蓋金自言生水中以或衆姓忍暴

鬚貌甚偉形體魁傑身佩五

刀左右莫敢仰視恒令其屬官俯伏於地踐之上馬及

下馬亦如之出必先布隊仗導者長呼以辟行人百姓

畏避皆自投坑谷太宗聞建武死爲之舉哀使持節弔

祭

或勸帝可遂討之帝不欲因喪伐罪

十七年封其嗣王藏爲遼東郡王

高麗王

帝曰蓋蘇文殺君擄國朕取之易耳不願勞人若何司空房元齡曰陛下士勇而力有餘最不用

所謂止戈爲武者司徒長孫无忌曰高麗無一介告難宜賜書安慰之隱其患撫其存彼當聽命帝曰善會新羅遣使者上書言高麗百濟聯和將見討謹歸命天子帝問若何而免使者曰計窮矣惟陛下哀憐帝曰我以偏兵率契丹靺鞨入遼東而國可紓一歲一策也我以絳袍丹幟數千賜而國至建以陣二國見謂我師至必走二策也百濟恃海不修戎械我以舟師數萬襲之而國女君故爲鄰侮我以宗室主而國待安則自守之三策也使者計孰取使者不能對

又遣司農丞相里元獎齎書往說

諭高麗令勿攻新羅

使未至而蓋蘇文已取新羅二城元獎諭帝旨

蓋蘇文謂

元獎曰高麗新羅怨隙已久往者隋室相侵新羅乘釁

奪高麗五百里之地城邑新羅皆據有之自非反地還

城此兵恐未能已元獎曰既往之事焉可追論

遼東故中國郡

縣天子且不取高麗焉得違詔不從元獎還奏蘇文竟不從太宗顧謂侍臣曰

莫支離賊弑其主盡殺大臣用刑有同坑穽百姓轉動

輒死怨痛在心道路以目夫出師弔伐須有其名因其

弑君虐下敗之甚易也諫議大夫褚遂良曰陛下之兵度遠而克固善萬分一不得逞

且再用師再用師安危不可億兵部尚書李勣曰不然

一馬不生返復陛下欲追擊魏徵苦諫而止向若擊之

失而尤之後誰為我計者新羅數請援乃下吳船四百

柁輸糧詔營州都督張儉等發幽營兵及契丹奚靺鞨

等出討會遼溢師還莫離支懼遣使者內金帝不納使

者又言莫離支遣官五十入宿衛帝怒責使者曰而等

委質高建武而不仗節死義又為逆子謀不可赦悉下

之獄於是帝欲自將討之召長安耆老勞曰遼東故中

國地而莫離支賊殺其主朕將自行經畧之故與父老

約子若孫從我行我者我能執循之母庸郵也即厚賜布

粟羣臣皆勸帝毋行帝曰吾知之矣去本而就末捨高

以取下釋近而之遠三者為不祥伐高麗是也然蓋蘇
文弒君又戮大臣以逞一國之人延頸待救議者顧未
亮耳於是北輸粟營州東十九年命刑部尚書張亮為
儲粟古大人城帝幸洛陽

平壤道行軍大總管領將軍常何

左難當

冉仁德劉英行張文幹龐

孝泰程名振為總管

率江淮嶺硤勁卒四萬戰船五百艘自萊州

汎海趨平壤又以特進英國公李勣為遼東道行軍大

總管禮部尚書江夏王道宗為副領將軍張士貴

張儉執失

思力契苾何力阿史那彌射姜德本麴智盛吳黑闥

等率步騎六萬趨遼東兩軍

合勢太宗親御六軍以會之

詔曰朕所過管頓毋飭食毋豐怪水可涉者勿作橋

梁行在非近州縣不得令學生耆老迎謁朕昔提戈擐
亂無盈月儲猶所向風靡今幸家給人足祇恐勞於轉
餉故驅牛羊以飼軍且朕必勝有五以我大擊彼小以
我順討彼逆以我安乘彼亂以我逸敵彼勞以我悅當

彼怨渠憂不克耶又發契丹奚新羅百濟諸君長兵悉
會二月帝自洛陽次定州謂左右曰今天下大定唯遼
東未賓後嗣因士馬盛強謀臣導以征討喪亂方始朕
故自取之不遺後世憂也帝坐城門過兵人人撫慰疾
病者親視之敕州縣治療士大悅長孫无忌白奏天下
符魚悉從而宮官止十人天下以爲輕神器帝曰士度
遼十萬皆去家室朕以十人從尙惡其夏四月帝大饗
多公止勿言帝身屬橐房結兩腋於鞍進攻蓋牟城拔
州之南詔長孫无忌李勣軍渡遼高麗皆嬰城守
忌誓師乃引而東李勣軍渡遼高麗皆嬰城守進攻蓋牟城拔
之獲生口二萬糧石以其城置蓋州五月張亮副將程
名振攻沙卑城拔之虜其男女八千口游兵鴨綠上是日李
勣進軍於遼東城帝次遼澤詔曰頃者隋師渡遼時非
天贊從軍士卒骸骨相望徧於原野良可哀歎掩骼之
義誠爲先典其令並收瘞之國內及新城步騎四萬來

援遼東江夏王道宗率騎四千逆擊大破之

道宗率張君又逆戰

君又却道宗以騎馳之虜兵辟易奪其梁收散卒乘高以望見高麗陣囂急擊破之斬首千餘級

斬君又帝渡遼水詔撒橋梁以堅士卒志

營馬首山

帝至遼

東城下見士卒負擔以填塹者帝分其九重者親於馬

上持之從官悚動爭賁以送城下

城有朱蒙祠祠有額甲銘矛妄言前燕世

天所降方圍急飾美女以婦神巫言朱蒙悅城必完時李勣已率兵攻遼東城高

麗聞我有拋車飛三百觔石於一里之外者甚懼之乃

於城上積水為戰樓以拒飛石勣列車發石以擊其城

所遇盡潰又推撞車撞其樓閣無不傾倒帝親率甲騎

萬餘與李勣會圍其城

時百濟上金髮鎧又以元金為山五文鎧士被以從甲光炫日

俄而南風甚勁命縱火焚其西南樓延燒城中屋宇皆

盡戰士登城

虜蒙盾以拒士舉長矛春之礮石如雨

賊乃大潰燒死者萬

餘人俘其勝兵萬餘口

戶四萬糧五十萬石

以其城爲遼州初帝

自定州命每數十里置一烽屬於遼城與太子約克遼

東當舉烽是日帝命舉烽傳入塞師次白崖城命攻之

右衛大將軍李思摩中弩矢帝親爲吮血將士聞之莫

不感勵其城因山臨水四面險絕李勣以撞車撞之飛

石流矢雨集城中六月帝臨其西北城主孫伐音潛遣

使請降曰臣已願降其中有貳者詔賜以旗幟曰必降

建之城上伐音舉幟於城上高麗以爲唐兵登也乃悉

降初遼東之陷也伐音乞降旣而中悔帝怒其反覆許以城中人物分賜戰士及是李勣言於帝曰戰士奮厲爭先不顧矢石者貪虜獲耳今城垂拔奈何更許其降無乃孤將士之心乎帝曰將軍言是也然縱兵殺戮虜其妻孥朕所不忍也將軍麾下有功者朕以庫物賞之庶因將軍贖此一城遂受降獲士女一萬勝兵二千四百以其城置巖州授孫伐音爲巖州刺史我軍之渡遼也莫離支遣加尸城七百人戍蓋牟城李勣盡虜之其人並請隨軍自効太宗謂曰誰不欲爾之力爾家悉在加尸爾爲吾戰彼將爲戮矣破一家之妻子求一人之

力用吾不忍也悉令放還車駕進次安市城北列營進兵以攻之高麗北部偃薩高延壽南部耨薩高惠貞率

高麗靺鞨之衆十五萬來援安市城

帝曰彼若勒兵連安市而壁據高山

取城中粟食之縱靺鞨畧吾牛馬攻之不可下賊中有此上策也援城夜去中策也與吾爭鋒則禽矣

對盧年老習事謂延壽曰吾聞中國大亂英雄並起秦

王神武所向無敵遂平天下南面爲帝北夷請服西戎

獻欵今者傾國而至猛將銳卒悉萃於此其鋒不可當

也今爲計者莫若頓兵不戰曠日持久分遣驍雄斷其

饋運不用旬日軍糧必盡求戰不得欲歸無路此不戰

而取勝也延壽不從引軍直進

距安市西四十里而屯帝曰虜墮吾策中矣命

左衛大將軍阿史那社爾以突厥千騎嘗之虜常以韃
韃銳兵居前社爾兵接而北延壽曰唐易與耳進一舍
倚麓而陣帝詔延壽曰我以爾有強臣賊殺其主來問罪卽交戰非我意延壽謂然按甲俟太宗夜

召諸將躬自指麾遣李勣率步騎一萬五千於城西嶺
爲陣長孫无忌率牛進達等精兵一萬一千以爲奇兵
自山北於狹谷出以衝其後太宗自將步騎四千潛鼓
角偃旌幟趨賊營北高峯之上令諸軍聞鼓角聲而齊
縱因令所司張受降幕於朝堂之側曰明日午時納降
虜於此矣遂率軍而進是夜流星墜延壽營明日延壽獨見李勣
兵欲與戰太宗遙望无忌軍塵起令鼓角並作旗幟齊
舉賊衆大懼將分兵禦之而其陣已亂李勣以步卒長

槍一萬擊之延壽衆敗无忌縱兵乘其後太宗又自山

而下引軍臨之賊因大潰斬首萬餘級延壽等率其餘

寇依山自保於是命无忌勣等引兵圍之徹東川梁以

斷歸路太宗按轡徐行觀賊營壘謂侍臣曰高麗傾國

而來存亡所繫一麾而敗天佑我也因下馬再拜以謝

天延壽惠貞率十五萬六千八百人請降太宗引入轅

門延壽等膝行而前拜手請命帝曰後敢與天子戰乎惶汗不得對太宗

簡倭薩以下酋長三新書千五百人授以戎秩遷之內

地收靺鞨三千三百盡坑之餘衆放還平壤獲馬三萬

疋牛五萬頭明光甲五千領新書他器械稱是高麗國

振駭后黃城及銀城並自拔數百里無復人烟

乃驛報太子并

賜諸臣書曰朕自將若此云何

因名所幸山為駐驛山令將作造破陣

圖命中書侍郎許敬宗為文勒石以紀其功授高延壽

鴻臚卿高惠貞司農卿張亮又與高麗再戰於建安城

下皆破之於是列長圍以攻焉八月

候騎獲覘人帝解其縛自言不食且

三日命餉之賜以屬遣曰歸語莫離支若須軍中進退可遣人至吾所帝每營不作塹壘謹斥候而已而土運糧雖單騎虜不敢鈔帝與勣議所攻帝曰吾聞安市地險而衆悍莫離支擊不能下因與之建安恃險絕粟多而土少若出其不意攻之不相救矣建安得則安市在吾腹中勣曰不然積糧遼東而西擊建安賊將梗我歸路不如先攻安市

帝日善遂攻之移營安市城東李勣遂攻安市擁延

壽等降衆營其城下以招之城中人堅守不動

延壽惠真謀日

烏骨城僞薩已耄朝攻而夕可下烏骨拔平壤舉矣羣臣亦以張亮軍在沙城召之一昔至若取烏骨渡鴨綠迫其腹心計之善者无忌曰天子行師不徼幸安市衆每十萬在吾後不如先破之乃驅而南萬全勢也乃止

見太宗旄麾必乘城鼓譟以拒焉帝甚怒李勣曰請破之日男子盡誅城中聞之人皆死戰乃令江夏王道宗築土山攻其城東南隅高麗亦埤城增雉以相抗李勣攻其西面令拋石撞車壞其樓雉城中隨其崩壞卽立木爲柵帝聞城中鷄雉聲曰圍久突無黔烟今鷄雉鳴必殺以饗土虜且夜出詔嚴兵丙夜虜數萬人悉禽而下道宗以樹條苞壤爲土屯積以爲山其中間五道加木被土於其上不捨晝夜漸以逼城道宗遣果毅都尉傅伏愛領隊兵於山頂以防敵土山自高而陟排

其城崩會伏愛私離所部高麗百人自頽城而戰遂據有土山而塹斷之積火縈盾以自固太宗大怒斬伏愛以徇命諸將擊之三日不能克太宗以遼東倉儲無幾士卒寒凍乃詔班師慝其城城中皆屏聲偃幟城主登城拜手奉辭太宗特嘉其堅守賜絹百疋以勵事君之節遼東粟尙十萬斛土取不能盡帝至渤海樵築道聯車爲梁帝負薪馬上助役十月兵畢度雪甚詔屬燎以待濟始行士十萬馬萬匹逮還物故裁千餘馬死十人船師七萬物故亦數百詔集戰骸塋柳城祭以大牢帝臨哭從臣皆流涕帝總飛騎人臨渝關皇太子迎道左初帝與太子別御褐袍曰俟見爾乃更袍慝二時弗易至穿穴羣臣請更服帝曰士皆敝衣吾可新服耶及是太子初攻陷遼東城其中抗拒王師應沒爲進潔衣乃御

奴婢者一萬四千人並遣先集幽州將分賞將士太宗

愍其父母妻子一朝分散令有司準其直以布帛贖之

赦爲百姓其衆歡呼之聲三日不息高延壽自降後常

積歎尋以憂死惠真竟至長安二十年高麗遣使來謝

罪并獻二美女太宗謂其使曰歸謂爾主美色者人之

所重爾之所獻信爲美麗憫其離父母兄弟於本國留

其身而忘其親愛其色而傷其心我不取也並還之初師

還帝以弓服賜蓋蘇文受之不遣使者謝於是下詔削

棄朝貢明年三月詔左武衛大將軍牛進達爲青邱道

行軍大總管右武衛將軍李海岸副之自萊州度海李

勅爲遼東道行軍大總管右武衛將軍孫武朗右屯衛

大將軍鄭仁泰副之率營州都督兵由新城道以進次

南蘇木底虜兵戰不勝焚其郭七月進達等取石城進

攻積利城斬級數千乃皆還藏
遣子莫離支高任武來朝因譏罪
二十二年又遣右武衛

將軍薛萬徹等右衛將軍裴行方副之往青邱道伐之自海道入部將古神

咸與虜戰曷山虜潰崩萬徹渡海入鴨渚水進破其泊

乘瞋襲我舟伏兵破之灼城距城四十里而舍虜懼皆棄邑居去大俘獲甚衆

破其援兵酋所夫孫拒戰萬徹擊斬之遂圍城太宗又命江南造大船帝與長孫无忌計曰

三萬乃還亡耗田歲不收蓋蘇文築城增陴下餓卧死溝壑不勝

弊矣明年以三十萬衆公爲大總管一舉可滅也乃詔

劍南大治船蜀人願輸財江南計直作舟舟取纖千二

百巴蜀大騷印眉雅三州獠皆反發隴西峽內兵二萬
擊定之遣陝州刺史孫伏伽召募勇敢之士萊州刺史李

道裕運糧及器械貯於浦三山烏胡島越州都督治大將

欲大舉以伐高麗未行而帝崩藏遣使高宗嗣位又命

兵部尚書任雅相左武衛大將軍蘇定方左驍衛大將

軍契苾何力等前後討之皆無大功而還永徽五年藏

契丹戰新城大風矢皆還激爲契丹所乘大敗契丹火攻

野復戰人死相藉積尸而冢之遣使者告捷高宗爲露

布于朝六年新羅訴高麗蘇韃奪三十六城惟天子哀

拔有詔營州都督程名振左衛中郎將蘇定方率師討

之至新城敗高麗兵火外郭及墟落引還顯慶三年復

遣名振率薛仁貴攻之未能克後二年天子已平百濟

乃以左驍衛大將軍契苾何力右武衛大將軍蘇定方

右驍衛將軍劉伯英率諸將出沮江遼東平壤道討之

龍朔元年大募兵拜置諸將天子欲自行蔚州刺史李

君球建言高麗小醜何至傾中國事之有如高麗既滅

必發兵以守少發則威不振多發人不安是天下疲於

轉戍臣謂征之未如勿征滅之未如勿滅亦會武后苦

邀帝乃止八月定方破虜兵於沮江奪馬邑山遂圍平

壤明年龐孝泰以嶺南兵壁蛇水蓋蘇文攻之舉軍沒

定方解

而歸

乾封元年高藏遣其子福入朝陪位於泰山之

下其年蓋蘇文死其子男生代為莫離支

泉男生傳男生字元德九

歲以父任為先人遷中裏小兄猶唐謁者也又為中裏大兄知國政凡辭令皆男生主之進中裏位鎮大兄久

之為莫離支兼三軍大將與其弟男建男產不睦各樹

朋黨以相攻擊

泉男生傳或曰男生惡君等逼已將除之建產未之信又有謂男生將不納君

召男生遣謀往男建捕得即矯高藏命男生為二弟所逐

走據國內城死守其子獻誠詣闕求哀

蓋蘇文弟爭土亦請割地降泉

男生傳高宗拜獻誠右武衛將軍賜乘輿馬瑞錦寶刀使還報詔令左驍衛大將軍契

苾何力率兵應接之

何力為遼東道安撫大使左金吾衛將軍龐同善營州都督高倬為

行軍總管左武衛將軍薛仁貴左監門將軍李謹行殿而行九月同善破高麗兵

男生脫身來

奔

泉男生傳舉哥勿南蘇倉巖等城以降帝又命西臺舍人李虔繹就軍慰勞賜袍帶金釵七事詔授

特進遼東大都督兼平壤道安撫大使封元菟郡公新書

封麗同十一月命司空英國公李勣為遼東道行軍大

善誤兼安撫總管大使率裨將郭待封等與契苾何力麗同善并

道郭待封積利道劉仁願畢列道金待問海谷以征高

麗二年泉男羽林將軍李同以飛騎仗廷寵賜第京師因詔

還軍與李勣攻平壤二月勣度遼至新城謂諸將曰新城是高麗

西境鎮城最為要害若不先圖餘城未易可下遂引兵

於新城西南據山築柵且攻且守城中窘迫數有降者

自此所向克捷拔城十有六郭待封以舟師濟海趨平壤三年二月勣率仁貴拔扶餘城他城

三十皆納款同善偁守新城男建遣兵襲之仁貴救偁戰金山不勝高麗鼓而進銳甚仁貴橫擊大破之漸首

五萬級拔南蘇木底蒼巖三城引兵畧地與勦會侍御史賈言忠計事還帝問軍中云何對曰必克昔先帝問罪所以不得志者虜未有釁也諺云軍無媒中道回今男生兄弟鬩狠爲我鄉導虜之情僞我盡知之將忠士力臣故曰必克且高麗祕記曰不及九百年當有八十大大將滅之高氏自漢有國今九百年勦年八十矣虜仍荐饑人相掠賣地震裂狼狐入城蚡穴於門人心危駭是行不再舉矣男建以兵五萬襲扶餘勦破之薩賀水上斬首五千級俘口三萬器械牛馬稱之進拔大行城劉仁願與勦會後期召還當誅赦流姚州契苾何力會勦軍於鴨淥拔高藏及男建遣太兄男產將首領九虜夷城九月

十八人持帛幡出降且請入朝勦以禮延接男建猶閉門固守總章元年九月勦又移營於平壤城南男建頻遣兵出戰皆大敗男建下提兵總管僧信誠密遣人詣軍中許開城門爲內應經五日信誠果開門勦從兵入

登城鼓譟燒城門樓四面火起男建窘急自刺不死十

一月拔平壤城虜高藏男建等

詔勸便道獻俘

十二月

至京師獻俘於含元宮詔以高藏政不由已授司平太

常伯男產先降授司宰少卿

獻誠為司衛卿信誠為銀青光祿大夫何力行左衛

大將軍勸兼太子太師仁貴威衛大將軍

男建配流黔州

百濟王扶餘隆嶺外男生以

鄉導有功授右衛大將軍封汴國公特進如故

泉男生傳詔遣

子賁手制金皿即遼水勞賜還賜寶器宮侍女二馬八十

高麗國舊分為五部有城

百七十六戶六十九萬七千乃分其地置都督府九州

四十一縣一百又置安東都護府以統之擢其酋渠有

功者授都督刺史及縣令與華人叅理百姓乃遣左武

衛將軍薛仁貴總兵鎮之其後頗有逃散

是歲郊祭以高麗平謝成

於天總章二年徙高麗民三萬於江淮山南大長鉗牟

岑率眾反立藏外孫安舜為王詔高麗東州道李謹行

燕山道並為行軍總管討之還司平太常伯楊昉綏納

亡餘舜殺鉗牟岑走新羅倂徙都護府治遼東州破叛

兵於安市又敗之泉山俘新羅援兵二千李謹行破之

於發盧河再戰俘馘萬計於是平壤夷殘不能軍相率

奔新羅凡四年乃平始謹行留妻劉守代奴城虜儀鳳

攻之劉環甲勒兵守賊引去帝嘉之封燕郡夫人儀鳳

中二年高宗授高藏開府儀同三司遼東都督封朝鮮王

居安東鎮本蕃為主

先編僑內州者皆原遣徙安東都護府於新城

高藏至安

東潛與靺鞨相通謀叛事覺召還配流邛州并分徙其

人散向河南隴右諸州其貧弱者留在安東城傍高藏

以永淳初卒贈衛尉卿詔送至京師於頡利墓左賜以

葬地兼為樹碑垂拱三年又封高藏孫寶元為朝鮮郡

王聖祿元年進授左鷹揚衛大將軍封為忠誠國王委

其統攝安東舊戶事竟不行二年又授高藏男德武為

安東都督以領本蕃自是高麗舊戶在安東者漸寡少

分授突厥及靺鞨等高氏君長遂絕矣後稍自國至元和未遣使者獻

樂工男生以儀鳳初卒於長安贈并州大都督泉男生傳儀鳳

云二年詔安撫遼東并置州縣招流冗平歛賦罷力役民

悅其寬卒年四十六帝為舉哀贈并州大都督喪至都

詔五品以上官哭之諡曰襄勒碑著功男生純厚有禮

奏對敏辨善射藝其初至伏斧鑕待罪帝宥之世以此

稱子獻誠授右衛大將軍兼合羽林衛上下天授中則

天嘗內出金銀寶物令宰相及南北衙文武官內擇善

射者五人共賭之內史張光輔先讓獻誠爲第一獻誠復讓右玉鈐衛大將軍薛吐摩支摩支又讓獻誠旣而獻誠奏曰陛下令簡能射者五人所得者多非漢官臣恐自此已後無漢官工射之名伏望停寢此射則天嘉而從之時酷吏來俊臣嘗求貨於獻誠獻誠拒而不答遂爲俊臣所構誣其謀反縊殺之則天後知其寃贈右羽林衛大將軍以禮改葬

百濟國本亦扶餘之別種嘗爲馬韓故地在京師東六千二百里處大海之北小海之南東北至新羅西渡海至越州南渡海至倭國北渡海至高麗其王所居有東

西兩城所置內官曰內臣佐平掌宣納事內頭佐平掌庫藏事內法佐平掌禮儀事衛士佐平掌宿衛兵事朝

廷佐平掌刑獄事兵官佐平掌在外兵馬事又外置六

帶方管十郡

大姓有八沙氏燕氏勿氏解氏貞氏國氏木氏苜氏

其用法叛逆者

死籍沒其家殺人者以奴婢三贖罪官人受財及盜者

三倍追贓仍終身禁錮凡諸賦稅及風土所產多與高

麗同

有三島生黃漆六月刺取藩色若金

其王服大袖紫袍青錦袴烏羅

冠金花爲飾素皮帶烏革履官人盡緋爲衣銀花飾冠

庶人不得衣緋紫歲時伏臘同於中國其書籍有五經

子史又表疏並依中華之法武德四年其王扶餘璋遣

使來獻果下馬七年又遣大臣奉表朝貢高祖嘉其誠

欸遣使就冊爲帶方郡王百濟王自是歲遣朝貢高祖

撫勞甚厚

後五年獻明光鑑

因訟高麗閉其道路不許來通中

國詔遣朱子奢往和之又相與新羅世爲讐敵數相侵
伐貞觀元年太宗賜其王璽書曰王世爲君長撫有東
蕃海隅遐曠風濤艱阻忠欸之至職貢相尋尙想殺猷
甚以嘉慰朕自祗承寵命君臨區宇思宏王道愛育黎
元舟車所通風雨所及期之遂性咸使乂安新羅王金
真平朕之藩臣王之鄰國每聞遣師征討不息阻兵安
忍殊乖所望朕已對王姪信福及高麗新羅使人具敕

通和咸許輯睦王必須忘彼前怨識朕本懷共篤鄰情

卽停兵革璋因遣使奉表陳謝雖外稱順命內實相仇

如故十一年遣使來朝獻鐵甲雕斧太宗優勞之賜綵

帛三千段并錦袍等十五年璋卒其子義慈遣使奉表

告哀使者素服奉表曰君外臣百濟王扶餘璋卒太宗素服哭之舉哀元贈

光祿大夫賻物二百段遣使祠部郎中鄭文表冊命義慈爲柱

國封帶方郡王百濟王十六年義慈興兵伐新羅四十

餘城又發兵以守之與高麗和親通好謀欲取党項城

以絕新羅入朝之路新羅遣使告急請救太宗遣司農

丞相里元獎賫書告諭兩蕃示以禍福及太宗親征高

麗百濟懷二乘虛襲破新羅七城二十二年又破其十

餘城數年之中朝貢遂絕高宗嗣位永徽二年始又遣

使朝貢使還降聖書與義慈曰至如海東三國開基自

久並列疆界地實犬牙近代已來遂構嫌隙戰爭交起

畧無寧歲遂令三韓之氓命懸刀俎尋戈肆憤朝夕相

仍朕代天理物載深矜愍去歲王攻

字疑誤

高麗新羅等

使並來入朝朕命釋茲讐怨更敦欵穆新羅使金法敏

奏書高麗百濟唇齒相依競舉兵戈侵逼交至大城重

鎮並爲百濟所併疆宇日蹙威力並謝乞詔百濟令歸

所侵之城若不奉詔卽自興兵打取但得故地卽請交

和朕以其言既順不可不許昔齊桓列土諸侯尙存亡
國況朕萬國之主豈可不卹危藩王所兼新羅之城並
宜還其本國新羅所獲百濟俘虜亦遣還王然後解患
釋紛韜戈偃革百姓獲息肩之願三蕃無戰爭之勞比
夫流血邊亭積屍疆場耕織並廢士女無聊豈可同年
而語矣王若不從進止朕已依法敏所請任其與王決
戰亦令約束高麗不許遠相救恤高麗若不承命卽令
契丹諸蕃渡遼澤入抄掠王可深思朕言自求多福審
圖良策無貽後悔六年新羅王金春秋又表稱百濟與
高麗黷鞬侵其北界已沒三十餘城顯慶五年命左衛

大將軍蘇定方

為神邱道行軍大總管率左衛將軍劉伯英右武衛將軍馮士貴左驍衛將軍

龐孝

統兵討之大破其國

自城山濟海百濟守熊津口定方縱擊虜大敗王師乘潮

帆以進趨真都城一舍止虜悉眾拒復破之斬首萬餘級拔其城義慈挾太子隆走北鄙定方圍之次子泰自

立為王率眾固守義慈孫文思曰王太子罔在叔乃自

王若唐兵解去如我父子何與左右繼而出民皆從之

泰不能止定方令士虜義慈及太子隆小王孝演偽將

超喋立幟泰開門降

五十八人等送於京師

九月定方以所俘見

上責而宥之其國舊

分為五部統郡三十七城二百戶七十六萬至是乃以

其地分置熊津馬韓東明

金連德安

等五都督府各統州縣

立其酋渠為都督刺史及縣令

命郎將劉仁願守百濟城

命右

新書左

衛郎將王文度為熊津都督總兵以鎮之義慈事親以

孝行聞友于兄弟時人號海東曾閔及至京數日而卒
贈金紫光祿大夫衛尉卿特許其舊臣赴哭送就孫皓
陳叔寶墓側塋之并爲豎碑

授隆司
稼卿

文度濟海而卒百

濟僧道琛舊將福信率衆據周留城以叛遣使往倭國
迎故王子扶餘豐立爲王其西部北部並翻城應之時
郎將劉仁願留鎮於百濟府城道琛等引兵圍之帶方
州刺史劉仁軌代文度統衆便道發新羅兵合契以救
仁願轉鬪而前所向皆下道琛等於熊津江口立兩柵
以拒官軍仁軌與新羅兵四面夾擊之賊衆退走入柵
阻水橋狹墮水及戰死萬餘人道琛等乃釋仁願之圍

退保任存

新書
孝誤

城新羅兵士以糧盡引還時龍朔元年

三月也於是道琛自稱領軍將軍福信自稱霜岑將軍

招誘叛亡其勢益張使告仁軌曰聞大唐與新羅約誓

百濟無間老少一切殺之然後以國付新羅與其受死

豈若戰亡所以聚結自固守耳仁軌作書具陳禍福遣

使諭之道琛等恃衆驕倨置仁軌之使於外館傳語謂

曰使人官職小我是一國大將不合自參不答書遣之

尋而福信殺道琛併其兵衆扶餘豐但主祭而已二年

七月仁願仁軌等率留鎮之兵大破福信餘衆於熊津

之東拔其支羅城及尹城大山沙井等柵殺獲甚衆仍

令分兵以鎮守之福信等以真峴城臨江高險又當衝要加兵守之仁軌引新羅之兵乘夜薄城四面攀堞而上比明而入據其城斬首八百級遂通新羅運糧之路仁願乃奏請益兵詔發淄青萊海之兵七千人遣左威衛將軍孫仁師統衆浮海赴熊津以益仁願之衆時福信旣專其兵權與扶餘豐漸相猜貳福信稱疾卧於窟室將候扶餘豐問疾謀襲殺之扶餘豐覺而率其親信掩殺福信又遣使往高麗及倭國請兵以拒官軍孫仁師中路逆擊破之遂與仁願之衆相合兵勢大振於是仁師仁願及新羅王金法敏帥陸軍進劉仁軌及別帥

社爽扶餘隆率水軍及糧船自熊津江往白江以會陸軍同趨周留城仁軌遇扶餘豐之衆於白江之口四戰皆捷焚其舟四百艘賊衆大潰扶餘豐脫身而走僞王子扶餘忠勝忠志等率士女及倭衆並降百濟諸城皆復歸順孫仁師與劉仁願等振旅而還詔劉仁軌代仁願率兵鎮守乃授扶餘隆熊津都督遣還本國共新羅和親以招輯其餘衆麟德二年八月隆到熊津城與新羅王法敏刑白馬而盟先祀神祇及州谷之神而後歃血其盟文曰往者百濟先王迷於逆順不敦鄰好不睦親姻結託高麗交通倭國共爲殘暴侵削新羅破邑屠

城畧無寧歲天子憫一物之失所憐百姓之無辜頻命
行人遣其和好負儉恃遠侮慢天經皇赫斯怒恭行弔
伐旌旗所指一戎大定固可瀦宮污宅作誠來裔塞源
拔本垂訓後昆然懷柔伐叛前王之令典興亡繼絕往
哲之通規事必師古傳諸曩冊故立前百濟太子司稼
正卿扶餘隆爲熊津都督守其祭祀保其桑梓依倚新
羅長爲與國各除宿憾結好和親恭承詔命永爲藩服
仍遣使人右威衛將軍魯城縣公劉仁願親臨勸諭具
宣成旨約之以婚姻申之以盟誓刑牲歃血其敦終始
分災恤患恩若弟兄祇奉綸言不敢失墜旣盟之後其

保歲寒若有棄信不怛二三其德興兵動衆侵犯邊陲
明神鑒之百殃是降子孫不昌社稷無守禋祀磨滅罔
有遺餘故作金書鐵契藏之宗廟子孫萬代無或敢犯
神之聽之是饗是福劉仁軌之辭也歟訖埋幣帛於壇
下之吉地藏其盟書於新羅之廟仁願仁軌等旣還隆
懼新羅尋歸京師儀鳳二年拜光祿大夫太常員外卿
兼熊津都督帶方郡王令歸本蕃安輯餘衆時百濟本
地荒毀漸爲新羅所據隆竟不敢還舊國而卒其孫敬
則天朝襲封帶方郡王授衛尉卿其地自此爲新羅及
渤海靺鞨所分百濟之種遂絕

新羅國本弁韓之苗裔也其國在漢時樂浪之地東及

南方俱限大海西接百濟北鄰高麗東西千里南北二

新書 千里有城邑村落謂城爲侵牟羅邑在內曰喙評外曰邑勒有喙評六邑勒五十

二王之所居曰金城周七八里衛兵三千人設師子隊

其建官以親屬爲上其族名第一骨第二骨以自別兄

弟子女姑姨從姊妹皆聘爲妻王族爲第一骨妻亦其族

生子皆爲第一骨不娶第二骨女雖娶常爲妾媵文武官凡有十七等官有宰

司農卿太府令凡十有七等第二骨得爲之事必與衆

議號和自一人異則罷宰相家不絕祿奴僮三千人甲

兵牛馬豬稱之畜牧海中山須食乃射息穀米於人其

償不滿庸爲奴婢王姓金貴人姓朴民無氏有名

王金真平隋文帝時授上開府樂浪郡公新羅王武德

四年遣使朝貢高祖親勞問之遣通直散騎侍郎庾文

素往使焉賜以璽書及畫屏風錦綵三百段自此朝貢
不絕其風俗刑法衣服與高麗百濟畧同而朝服尙白
好祭山神其食器用柳栢亦以銅及瓦國人多金朴兩
姓異姓不爲婚重元日相慶賀燕饗每以其日拜日月
神又重八月十五日設樂飲宴資羣臣射其庭男子禡袴婦長
襦見人必跪則以手据地爲婦人髮繞頭以綵及珠爲
飾髮甚長美市皆婦女貿販冬則作竈堂中夏以食置
行長人者人類長三丈鋸牙鉤爪黑毛覆身不火食噬
禽獸或搏人以食得婦人以治衣服其國連山數十里
有峽固以鐵闔號關門新高祖旣聞海東三國舊結怨
隙遞相攻伐以其俱爲藩附務在和睦乃問其使爲怨

所由對曰先是百濟往伐高麗詣新羅請救新羅發兵大破百濟國因此爲怨每相攻伐新羅得百濟王殺之怨由此始七年遣使冊拜金眞平爲柱國封樂浪郡王新羅王貞觀五年遣使獻女樂二人皆鬢髮美色太宗謂侍臣曰朕聞聲色之娛不如好德且山川阻遠懷土可知近日林邑獻白鸚鵡尙解思鄉訴請還國烏猶如此況人情乎但愍其遠來必思親戚宜付使者聽遣還家是歲眞平卒無子立其女善德爲王宗室大臣乙祭總知國政詔贈眞平左光祿大夫賻物二百段九年遣使持節冊命善德柱國封樂浪郡王新羅王

國人號聖祖皇姑

十七年遣使上言高麗百濟累相攻襲亡失數十城兩國連兵意在滅臣社稷謹遣陪臣歸命大國乞偏師救助太宗遣相里元獎賁璽書至高麗曰新羅委命國家不闕朝獻爾與百濟宜卽戢兵若更攻之明年當出師擊爾國矣太宗將親伐高麗詔新羅纂集士馬應接大軍新羅遣大臣領兵五萬人入高麗南界攻水口城降之二十一年善德卒贈光祿大夫餘官封並如故因立其妹真德爲王加授柱國封樂浪郡王二十二年真德遣其弟國相伊贊子金春秋及其子文王來朝詔授春秋爲特進文王爲左武衛將軍

春秋請改章服從中春國制內出珍服賜之

秋請詣國學觀釋奠及講論太宗因賜以所制溫湯及

晉祠碑並新撰晉書將歸國令三品以上宴餞之優禮

甚稱永徽元年真德大破百濟之衆遣其弟法敏以聞

真德乃織錦作五言太平頌以獻之其詞曰大新書唐

開洪業巍巍皇猷昌止戈戎衣新書定修新書文繼百

王統天崇雨施理物體含章深仁偕新書日月撫運邁

陶唐新書幡旗何新書赫赫鉦鼓何鏗鏘外夷遠命者

剪覆被天殃淳風凝幽顯遐邇競呈祥四時和玉燭七

曜巡萬方維岳降宰輔維帝任忠良五三成一德昭我

唐家光新書帝嘉之拜法敏爲太府卿五年真德卒爲

舉哀

贈開府儀同三司賜綵段三百
命太常丞張文收持節弔祭

詔以春秋嗣立爲新

羅王加授開府儀同三司封樂浪郡王六年百濟與高

麗靺鞨率兵侵其北界攻陷三十餘城春秋遣使上表

求救顯慶五年命左武衛大將軍蘇定方爲熊津道大

總管統水陸十萬仍令春秋爲嶋夷道行軍總管與定

方討平百濟俘其王扶餘義慈獻於闕下自是新羅漸

有高麗百濟之地其界益大西至於海龍朔元年春秋

卒詔其子太府卿法敏嗣位爲開府儀同三司上柱國

樂浪郡王新羅王三年詔以其國爲鷄林州都督府授

法敏爲鷄林州都督

咸亨五年納高麗叛衆畧百濟地
守之帝怒詔削官爵以其弟右驍

衛員外大將軍臨海郡公仁問爲新羅王自京師歸國
詔劉仁軌爲鷄林道大總管衛尉卿李弼右領軍大將
軍李謹行副之發兵窮討上元二年二月仁軌破其衆
於七重城以靺鞨兵浮海畧南境斬獲甚衆詔李謹行
爲安東鎮撫大使屯買肖城三戰虜皆北法敏遣使入
朝謝罪貢篚相望仁問乃還辭王詔復法敏官爵然多
取百濟地遂抵高麗南境矣置尙良康熊金武漢朔慎
九州州有都督統郡十或二十郡有大守縣有小守
法敏以開耀元年卒其子政明嗣位垂拱二年政明遣
使來朝因上表請唐禮一部並雜文章則天令所司寫
吉凶要禮並於文館詞林採其詞涉規誡者勒成五十
卷以賜之天授三年政明卒則天爲之舉哀遣使弔祭
册立其子理洪爲新羅王仍令襲父輔國大將軍行豹
韜衛大將軍鷄林州都督理洪以長安二年卒則天爲

之舉哀輟朝二日遣立其弟興光爲新羅王仍襲兄將

軍都督之號興光本名與太宗同先天中則天改焉

元開

中數入朝獻果下馬朝霞細魚牙袖海豹皮又獻二女
帝曰女皆王姊妹違本俗別所親朕不忍留厚賜還
之又遣子弟入太學學經術帝問賜興光瑞文錦五色
羅紫繡紋袍金銀精器興光亦上異狗馬黃金美鬚諸
物開元十六年遣使來獻方物又上表請令人就中國

學問經教上許之二十一年渤海靺鞨越海入寇登州
時興光族人金思蘭先因入朝留京師拜爲太僕員外
卿至是遣歸國發兵以討靺鞨仍加授興光爲開府儀
同三司寧海軍使二十五年興光卒詔贈太子太保仍
遣左贊善大夫邢璣攝鴻臚少卿往新羅弔祭並冊立

其子承慶襲父開府儀同三司新羅王璿將進發上製
詩序太子以下及百寮咸賦詩以送之上謂璿曰新羅
號爲君子之國頗知書記有類中華以卿學術善與講
論故選使充此到彼宜闡揚經典使知大國儒教之盛
又聞其人多善弈碁因令善碁人率府兵曹楊季鷹爲
璿之副璿等至彼大爲蕃人所敬其國碁者皆在季鷹
之下於是厚賂璿等金寶及藥物等俄冊其妻
朴爲妃天寶二
年承慶卒詔遣贊善大夫魏曜往弔祭之冊立其弟憲
英爲新羅王並襲其兄官爵帝在蜀遣使
至成都朝正月大厯二
年憲英卒國人立其子乾運爲王仍遣其大臣金隱居

奉表入朝貢方物請加册命三年上遣倉部郎中兼御

史申丞賜紫金魚袋歸崇敬

監察御史陸挺顧惜爲副

持節賁册書

往弔册之以乾運爲開府儀同三司新羅王仍册乾運

母金

爲太妃

會其宰相爭權相攻國大亂三歲乃定

七年遣使金標石來

賀正授衛尉員外少卿放還八年遣使來朝並獻金銀

牛黃魚牙納朝霞紬等九年至十二年北歲遣使來朝

或一歲再至建中四年乾運卒無子國人立其上相金

良相爲王貞元元年授良相檢校太尉都督鷄林州刺

史寧海軍使新羅王仍令戶部郎中蓋塤持節册命其

年良相卒立上相敬信爲王令襲其官爵敬信卽從兄

弟也十四年敬信卒其子先敬信亡國人立敬信嫡孫
俊邕爲王十六年授俊邕開府儀同三司檢校太尉新
羅王令司封郎中兼御史中丞韋丹持節冊命丹至鄆
州聞俊邕卒其子重興無詔丹還永貞元年詔遣兵部
郎中元季方持節冊重興爲王元和元年十一月放宿
衛王子金獻忠歸本國仍加試祕書監三年遣使金力
奇來朝其年七月力奇上言貞元十六年奉詔冊臣故
主金俊邕爲新羅王母申氏爲太妃妻叔氏爲王妃冊
使韋丹至中路知俊邕薨其冊却迴在中書省今臣還
國伏請授臣以歸

又爲其宰相金彥昇金仲恭
王之弟蘇金添明馬門戟

敕金俊

邕等冊宜令鴻臚寺於中書省受領至寺宣授與金力
奇令奉歸國仍賜其叔彥昇門戟令本國準例給四年
遣使金陸珍等來朝貢五年王子金憲章來朝貢七年
重興卒立其相金彥昇爲王遣使金昌南等來告哀其
年七月授彥昇開府儀同三司檢校太尉持節大都督
鷄林州諸軍事兼持節充寧海軍使上柱國新羅國王
彥昇妻貞氏冊爲妃仍賜其宰相金崇斌等三人戟亦
令本國準例給兼命職方員外郎攝御史中丞崔廷持
節弔祭冊立以其質子金士信副之十一年十一月其
入朝王子金士信等遇惡風飄至楚州鹽城縣界淮南

節度使李鄘以聞是歲新羅饑其衆一百七十人求食於浙東十五年十一月遣使朝貢長慶二年十二月遣使金柱弼朝貢寶厯元年其王子金昕來朝大和元年四月皆遣使朝貢五年金彥昇卒以嗣子金景徽爲開府儀同三司檢校太尉使持節大都督鷄林州諸軍事兼持節充寧海軍使新羅王景徽母朴氏爲太妃妻朴氏爲妃命太子左諭德兼御史中丞源寂持節弔祭册立開成元年王子金義琮來謝恩兼宿衛二年四月放還藩賜物遣之五年四月鴻臚寺奏新羅國告哀質子及年滿合歸國學生等共一百五人並放還會昌元年

七月敕歸國新羅官前入新羅宣慰副使前充兖州都

督府司馬賜緋魚袋金雲卿可淄州長史

右張保臯鄭年者皆善鬪

戰工用槍年復能沒海履其地五十里不墮角其勇健保臯不及也年以兄呼保臯保臯以齒年以藝常不相下自其國皆來爲武寧軍小將後保臯歸新羅謁其王曰徧中國以新羅人爲奴婢願得鎮清海使賊不得掠人西去清海海路之要也王與保臯萬人守之自大和後海上無驚新羅人者保臯既貴於其國年饑寒客漣水一日謂戍主馮元規曰我欲東歸乞食於張保臯元規曰若與保臯所負何如奈何取死其手曰饑寒死不如兵死快況死故鄉邪年遂去謁保臯飲之極歡飲未卒聞大臣殺其王國亂無主保臯分兵五千人與年持年泣曰非子不能平禍難年至其國誅反者立王以報王遂召保臯爲相以年代守清海會昌後朝貢不復至新書贊曰杜牧稱安思順爲朔方節度時郭汾陽李臨淮俱爲牙門都將二人不相能雖同盤飲食常睚相視不交一言及汾陽代思順臨淮欲亡去計未決旬日詔臨淮分汾陽半兵東出趙魏臨淮入請曰一

死故甘乞免妻子汾陽趨下持手上堂曰今國亂主
遷非公不能東伐豈懷私忿時邪及別執手泣涕勉
以忠義訖平劇盜實二公之力知其心不叛知其心
難也忿必見短知其材益難也此保臯與汾陽之賢
等耳年投保臯必曰彼貴我賤我降下之不宜以舊
忿殺我保臯果不殺人之常情也臨淮請死於汾陽
亦人之常情也保臯任年事出於已年且寒饑易爲
感動汾陽臨淮平生亢立臨淮之命出於天子權於
保臯汾陽爲優此乃聖賢遲疑成敗之際也世稱周
召爲百代之師周公擁孺子而召公疑之以周公之
聖召公之賢少事文王老佐武王能平天下周公之
心召公且不知之苟有仁義之心不資以明雖召公
尙爾況其下哉嗟乎不以怨毒相恭而先國家
之憂晉有祁奚唐有汾陽保臯孰謂夷無人哉

倭國者古倭奴國也去京師一萬四千里在新羅東南
大海中依山島而居東西五月行南北三月行世與中
國通其國居無城郭以木爲柵以草爲屋四面小島五

十餘國皆附屬焉其王姓阿每氏

自言初主號天御中主至彥瀲凡三十二

世皆以尊為號居筑紫城彥瀲子神武立更以天皇為號徙治大和州次曰綏靖次安寧次懿德次孝昭次天安

安次孝靈次孝元次開化次崇神次垂仁次景行次成務次仲哀仲哀死以開化曾孫女神功為主次應神次

仁德次履中次反正次允恭次安閑次雄略次靖寧次顯宗次仁賢次武烈次繼體次安閑次宣化次欽明次

明之十一年直梁承聖元年次海達次用明亦曰日多利思比孤直隋開皇末始與中國通次崇俊崇俊死欽

明之孫女稚古立

次舒明次皇極

置一大

新書

率檢察諸國皆畏附之

設官有十二等其訴訟者匍匐而前地多女少男頗有

文字俗敬佛法並皆跣足以幅布蔽其前後貴人戴錦

帟百姓皆椎髻無冠帶婦人衣純色裙長腰襦束髮於

後

至場帝賜其民錦綫冠

飾以金玉文布為衣

佩銀花長八寸左右各數枝

以明貴賤等級衣服之制頗類新羅貞觀五年遣使獻

方物太宗矜其道遠敕所司無令歲貢又遣新州刺史

高表仁新書持節往撫之表仁無綏遠之才與王子爭

禮不宣朝命而還至二十二年又附新羅奉表以通起

居永徽初其王孝德即位改元曰白雉獻虎魄大如斗

碼璫若五升器時新羅為高麗百濟所暴高宗賜璽

書令出兵援新羅未幾孝德死其子天豐財立死子天

智立明年使者與蝦蟇人偕朝蝦蟇亦居海島中其使

者鬚長四尺許珥箭於首令人載瓠立數十步射無不

中天智死子天武立死子總持立咸亨元年遣使賀平

日本國者新書通倭倭國之別種也以其國在日邊故

以日本為名或曰倭國自惡其名不雅改為日本或云

日本舊小國併倭國之地其人入朝者多自矜大不以

實對故中國疑焉又云其國界東西南北各數千里西

界南界咸至大海東界北界有大山爲限山外卽毛人

之國

長安元年其王文武立改元曰大寶

長安三年

新書元年武后紀二年

其大臣

朝臣真人

栗田

來貢方物朝臣真人者猶中國戶部尙書

冠進德冠其頂爲花分而四散身服紫袍以帛爲腰帶

真人好讀經史解屬文容止溫雅則天宴之於麟德殿

授司膳卿放還本國

文武死子阿用立死子聖武立改元曰白龜

開元初又

遣使

栗田

來朝因請儒士授經詔四門助教趙元默就鴻

臚寺教之乃遺元默闊幅布以爲束修之禮題云白龜

元年調布人亦疑其偽爲此題所得錫資盡市文籍泛

海而還其偏使朝臣仲滿慕中國之風因留不去改姓

名爲朝衡仕厯左補闕儀王友衡留京師五十年好書

籍放歸鄉逗留不去聖武死女孝明立改元曰天平勝寶天寶十二年又

遣使貢上元中擢衡爲左散騎常侍鎮南都護新羅梗海道更

由明越州朝貢孝明死大炊立死以聖武女高野姬爲王死白瑩立建中元年使者真人興能獻方物真人蓋

因官而氏者也興能善書其紙似繭而澤人莫識貞元二十年其王曰桓武遣使來

朝留學生橘免勢學問僧空海元和元年日本國使判

官高階真人上言前件學生藝業稍成願歸本國便請

與臣同歸從之次諾樂立次嵯峨開成四年又遣使朝

貢

次文德次清和次陽成次光孝直光啟元年其東海嶼中又有邪古波邪多尼三小王北距新羅西北百

濟西南直越州有絲絮怪珍云

流鬼去京師萬五千里直黑水靺鞨東北少海之北三面皆阻海其北莫知所窮人依嶼散居多沮澤有魚鹽之利地蚤寒多霜雪以木廣六寸長七尺系其上以踐冰逐走獸土多狗以皮爲裘俗披髮粟似莠而小無蔬蓴他穀勝兵萬人南與莫曳靺鞨鄰東南航海十五日行乃至貞觀十四年其王遣子可也余莫貂皮更三譯來朝授騎都尉遣之龍朔初有儋羅者其王儒李都羅遣使入朝國居新羅武州南島上俗朴陋衣犬豕皮夏

居革屋冬窟室地生五穀耕不知用牛以鐵齒耙土初
附百濟麟德中酋長來朝從帝至太山後附新羅開元
十一年又有達末婁達妬二部首領朝貢達末婁自言
北扶餘之裔高麗滅其國遺人度那河因居之或曰他
漏河東北流入黑水達妬室韋種也在那河陰凍末河
之東西接黃頭室韋東北距達末婁云

唐書卷第二百五十九上

唐書卷第二百五十九下

新傳百五十九

北狄

鐵勒

契丹

奚

室韋

靺鞨

渤海靺鞨

靺鞨

烏羅渾

拔野古

從新書增 僕骨 同羅 渾 契苾 多覽葛 阿跌 葛邏祿 拔悉密 都播 斛薛 黠戛斯

鐵勒本匈奴別種自突厥強盛鐵勒諸部分散衆漸寡

弱至武德初有薛延陀契苾回紇都播骨利幹多覽葛

僕骨拔野古同羅渾部思結斛薛奚結阿跌白靺鞨等散

在磧北薛延陀者

先與薛種雜居

自云本姓薛氏其先擊滅延

陀而有其衆因號爲薛延陀部

姓一利

其官方兵器及

風俗大抵與突厥同初大業中西突厥處羅可汗始強大鐵勒諸部皆臣之而處羅徵稅無度薛延陀諸部皆怨處羅大怒誅其酋帥百餘人鐵勒相率而叛共推契苾哥楞爲易勿真莫賀可汗居貪汗山北又以薛延陀乙失鉢爲也啞小可汗居燕末山北西突厥射匱可汗強盛延陀契苾二部並去可汗之號以臣之回紇等六部在鬱督軍山者東屬於始畢乙失鉢所部在金山者西臣於葉護貞觀二年葉護可汗死其國大亂乙失鉢

之孫曰夷男率其部落七萬餘家附於突厥遇頡利之
政衰夷男率其徒屬反攻頡利大破之於是頡利部諸
姓多叛頡利歸於夷男共推爲主夷男不敢當時太宗
方圖頡利遣遊擊將軍喬師望從間道賫冊書拜夷男
爲真珠毗伽可汗賜以鼓纛夷男大喜遣使貢方物復
建牙於大漠之北鬱督軍山下在京師西北六千里東
至靺鞨西至葉護南接沙磧北至俱倫山新書水回紇拔
野古阿跌同羅僕骨雷諸大部落皆屬焉三年夷男遣
其弟統特勒來朝太宗厚加撫接賜以寶刀及寶鞭謂
曰汝所部有大罪者鞭之夷男甚喜四年平突厥頡利

之後朔塞空虛夷男率其部東返故國建庭於都尉犍

山北獨邏河之南

新書陰

在京師北三千三百里東至室

韋西至金山南至突厥北臨瀚海卽古匈奴之故地勝

兵二十萬立其二子

大度設突利失

爲南北部太宗亦以其強

盛恐爲後患十二年遣使備禮冊命拜其二子皆爲小

可汗外示優崇實欲分其勢也會朝廷立李思摩爲可

汗處其部衆於漠南之地夷男心惡思摩甚不悅十五

年太宗幸洛陽將有事於太山夷男謀於其國曰天子

封太山萬國必會士馬皆集邊境空虛我於此時取思

摩如拉朽耳因命其子大度設勒兵二十萬屯白道川

據善陽嶺以擊思摩之部思摩遣使請救詔英國公李

勣蒲州刺史薛萬徹率步騎數萬赴之

詔營州都督張儉統所部與奚

雷契丹乘其東朔州道行軍總管李大亮衆四萬騎五千屯靈營朔州道行軍總管張士貴衆萬七千出雲中涼州道武慶州道行軍總管李襲譽經畧之帝敕諸將曰延陀度漠馬已行軍總管李襲譽經畧之帝敕諸將曰延陀度漠馬已疲夫用兵者見利疾進不利亟去今虜不急擊思摩又不速還勢必敗卿等勿與戰須其歸可擊也旣而延陀使者來求與突厥平帝曰我約漠以北延陀制之漠以南突厥專之有輒相掠誅不赦延陀父事我而首違詔得非亂邪而曰與突厥和乃故約也尚何請不報大度設次長城思摩已南走大度設度不可得乃遣人乘長城罵之適會勣兵至行璽屬天遼率衆走赤柯踰白道度青山然道回遠勣選敢死士與突騎徑臘河踰白道川至青山與大度設相及追之累月至諾真水大度設知不脫乃亘十里而陳兵先是延陀擊沙鉢羅及阿史

那社爾等以步戰而勝及其將來寇也先講武於國中
教習步戰每五人以一人經習戰陣者使執馬而四人
前戰克勝卽授馬以追奔失應接罪至於死沒其家口
以賞戰人至是遂行其法突厥兵先合輒退延陀乘勝
而逐之勦兵拒擊而延陀萬矢俱發傷我戰馬乃令去
馬步陣率長稍數百爲隊齊奮以衝之其衆潰散副總
管薛萬徹率數千騎收其執馬者其衆失馬莫知所從
因大縱斬首三千餘級獲馬萬五千匹甲仗輜重不可
勝計大度設跳身而遁萬徹將數百騎追之弗及

會雪甚衆

輒踏死者十八始延陀能以術禱
神致雪冀困勦師及是反自倣云

其餘衆大奔走相騰

踐而死者甚衆伏屍被野

勦還入定襄天子遣使者賞

使留待命者帝悉還之日歸語爾可汗爾自負其強以突厥爲弱厚誅歟之又取首領以爲質且我爲天下主渠嘗賦發於爾耶後有利害當謹思毋遠也夷男因乞與突厥和并遣使謝

罪十六年遣其叔父沙鉢羅泥敦策斤來請婚獻馬三

千匹

帝曰延陀本一侯斤我則立之度其力孰與頡利比而敢撓邊乎不許昏明年以使來益獻馬牛羊

橐它固求昏

太宗謂侍臣曰北狄世爲寇亂今延陀崛強須

早爲之所朕熟思之唯有二策選徒十萬擊而虜之滅

除鹵醜百年無事此一策也若遂其來請結以婚姻緩

轡羈縻亦足三十年安靜此亦一策也未知何者爲先

司空房元齡對曰今大亂之後瘡痍未復且兵凶戰危

聖人所慎和親之策實天下幸甚太宗曰朕爲蒼生父

母苟可以利之豈惜一女遂許以新興公主妻之

召突利失

大享羣臣侍陳寶器奏慶善破陳盛樂及十部伎突利失頓首上千萬歲壽

因徵夷男備親

迎之禮仍發詔將幸靈州與之會夷男大悅謂其國中

曰我本鐵勒之小帥也天子立我爲可汗今復嫁我公

主車駕親至靈州斯亦足矣於是稅諸部羊馬以爲聘

財或說夷男曰我薛延陀可汗與大唐天子俱一國主

何有自往朝謁如或拘留悔之無及夷男曰吾聞大唐

天子聖德遠被日月所照皆來賓服我歸心委質冀得

覩天顏死無所恨然磧北之地必當有主捨我別求固

非大國之計我志決矣勿復多言於是言者遂止太宗

乃發使受其羊馬然夷男先無府藏調斂其國往返且

萬里既涉沙磧無水草羊馬多死遂後期太宗於是停

幸靈州既而其聘羊馬來至所耗將半議者以爲夷狄

不可禮義畜若聘財未備而與之婚或輕中國當須要

其備禮於是下詔絕其婚或曰既許之信不可失帝曰

國不抗故飾子女嫁單于今北狄弱我能制之而延陀

方謹事我者顧新立倚我以服衆彼同羅僕骨力足制

延陀而不發懼我也我又妻之固中國婿名重而援堅

諸部將歸之戎狄野心能自立則叛矣今絕昏使諸姓
聞之將爭擊延陀亡可待也
既而李思摩數遣兵侵掠之延陀復遣
突利失擊思摩至定襄抄掠而去太宗遣英國公李勣

援之見虜已出塞而還太宗以其數與思摩交兵璽書

責讓之十七年

遣使請率師助伐高麗以刺帝意

謂其使人曰語爾可

汗我父子並東征高麗汝若能寇邊者但當來也夷男

遣使致謝復請發兵助軍太宗答以優詔而止其冬太

宗拔遼東諸城破駐蹕陣而高麗莫離支潛令靺鞨誑

惑夷男陷以厚利夷男氣攝不敢動俄而夷男卒太宗

爲之舉哀夷男少子肆葉護拔灼襲殺其兄突利失可

汗而自立

始延陀請以庶子曳莽爲突利失可汗統東方嫡子拔灼爲肆葉護可汗統西方白道之

役曳莽實爲之謀國人多怨及會是爲頡利俱利薛沙

多彌可汗拔灼性褊急馭下無恩多所殺戮其下不附

是時復以太宗尚在遼東遂發兵寇夏州

帝遣江夏王道宗屯朔州

代州都督薛萬徹與左驍衛大將軍阿史那社爾屯勝州左武侯大將軍薩孤吳仁屯靈州執失思力與突厥

犄角將軍執失思力擊敗之虜其衆數萬

阿波設與唐使者遇於靺

塞下唐兵至矣衆大擾諸部遂潰

拔灼輕騎遁去

依阿史那時健

尋爲迴紇所殺宗族殆盡其餘衆尚五六萬竄於西域

又諸姓俟斤遞相攻擊各遣使歸命二十年太宗遣使

江夏王道宗左衛大將軍阿史那社爾爲瀚海道安撫

大使右領軍大將軍執失思力領突厥兵代州都督薛

萬徹營州都督張儉右驍衛大將軍契苾何力各統所

部兵分道並進太宗親幸靈州爲諸軍聲援旣而道宗

渡磧

擊延陀餘衆阿波達干

遇延陀餘衆數萬來拒戰道宗擊破

之斬首千餘級

逐北二百里

萬微又與迴紇相遇二將各遣

使諭以綏懷之意其酋帥見使者皆頓顙歡呼請入朝

太宗至靈州其鐵勒諸部相繼至數千人

上言天至尊爲可汗世世

以奴事死不恨

仍請列爲州縣北荒悉平詔曰惟天爲大合其

德者弗違謂地蓋厚體其仁者光被故能彌綸八極輿

蓋二儀振絕代之英聲畢天下之能事彼匈奴者與開

闢而俱生奄有龍庭共上皇而並列僭稱驕子分天街

於紫宸仰應旄頭抗大禮於皇極

文缺

緬窺邃古無能力

制自朕臨御天下二紀於茲粵以眇身一匡寰宇始勤

勞於昧旦終致治於昇平曩者聊命偏師遂擒頡利今
茲始宏廟略已滅延陀雖麾駕出征未踰郊甸前驅所
輔纔掩塞垣長策風行已振金微之表揚威電發遠讐
沙場之外鐵勒諸姓迴紇月祿俟利發等總百餘萬戶
散處北溟遠遣使人委身內屬請同編列並爲州郡收
其瀚海盡入提封解其辮髮並垂冠帶上變星昴歸於
東井之躔下掩蹄林祛入南山之囿混元已降殊未前
聞無疆之業永貽來裔古人所不能致今旣吞之前王
所不能屈今咸滅之斯實書契所未有古今之壯觀豈
朕一人獨能蓋由上靈儲祉錫以太康宗廟威靈成茲

克定卽宜備禮告於清廟仍頒示普天其後延陀西遁之衆共推夷男兄子咄摩支爲伊特勿失可汗率部落七萬餘口西歸故地乃去可汗之號遣使奉表請居鬱督軍山北詔兵部尚書崔敦禮就加綏撫而諸部鐵勒素服薛延陀之衆及咄摩支至九姓渠帥莫不危懼朝

議恐爲殲北之患復令英國公李勣進加討擊

詔勣等日降則

撫之叛則擊之

勣率九姓鐵勒二萬騎至於天山咄摩支見官

軍奄至惶駭不知所爲且聞詔使蕭嗣業在迴紇中因而請降嗣業與之俱至京師詔授右武衛將軍賜以田宅

初延陀將滅有丐食於其部者延客帳中妻視客人而狼首主不覺客已食妻語部人共追之至鬱督軍

山見二人焉曰我神也薛延陀且滅追者懼却走遂失之至是果敗此山下咄摩支入國後鐵勒酋帥潛知其部落仍持兩端李勣因縱兵追擊前後斬五千餘級虜男女三萬計二十二年契苾迴紇等十餘部落以薛延陀亡散殆盡乃相繼歸國太宗各因其地土擇其部落置爲州府以迴紇部爲瀚海都督府僕骨爲金微都督府多覽葛爲燕然都督府拔野古部爲幽陵都督府同羅部爲龜林都督府思結部爲盧山都督府渾部爲臯蘭州斛薛部爲高闕州奚結部爲雞鹿州阿跌部爲雞田州契苾部爲榆溪州思結別部爲蹄林州白雪部爲寘顏州凡一十三州拜其酋長爲都

督刺史給元金魚以爲符信又置燕然都護以統之諸姓

有來朝者帝勞曰爾來若鼠得穴魚得泉我爲爾深廣之又曰我在天下四夷有不安安之不樂樂之如驥尾受蒼蠅可使日千里也是歲太宗以鐵勒諸部並皆內屬詔賜京

城百姓大酺三日後三年餘部叛以右領軍大將軍執失思力討平之永徽元年

延陀首領先逃逸者請歸國高宗更置溪彈州以安恤

之至則天時突厥強盛鐵勒諸部在漠北者漸爲所併

迴紇契苾思結渾部徙於甘涼二州之地其骨利幹處

海北勝兵五千草多百合產良馬首北距大海又北度

似橐駝筋鬐壯大日中馳數百里長夜短日入烹羊脾熟東去京師最遠自古未通中國

貞觀中遣使來朝貢遣雲麾將軍康蘇密往慰撫之仍

列其地爲元闕州俄又遣使隨蘇密使入朝獻良馬十匹太宗奇其駿異爲之制名號爲十驥一曰騰霜白二曰皎雪驄三曰凝露驄四曰懸光驄五曰決波驄六曰飛霞驄七曰發電赤八曰流金駟九曰翔麟紫十曰奔虹赤又爲文以叙其事自延陀叛後朝貢遂絕

龍朔中以元闕

州更爲余吾州隸瀚海都督府延載初亦來朝

契丹

本東胡種其先爲匈奴所破保鮮卑山魏青龍中

部酋比能稍桀驁爲幽州刺史王雄所殺衆遂微

居潢水之南黃龍之北鮮卑之故地至元魏自號曰契丹

在京城

東北五千三百里東與高麗鄰西與奚國接南至營州北至室韋冷陁山在其國南與奚西山相崎地方二千

里逐獵往來居無常處其君長姓大賀氏勝兵四萬三
千人分爲八部若有徵發諸部皆須議合不得獨舉獵
則別部戰則同行本臣突厥以爲好與奚鬪不利則保
入青山及鮮卑山其俗死者不得作塚墓以馬駕車送
入大山置之樹上亦無服紀子孫死父母晨夕哭之父
母死子孫不哭其餘風俗與突厥同武德初數抄邊境
三年入寇平州六年其君長咄羅遣使貢名馬豐貂貞
觀二年其君摩會率其部落來降突厥頡利遣使請以
梁師都易契丹太宗謂曰契丹突厥本是別類今來降
我何故索之師都本中國人據我州城以爲盜竊突厥

無故容納之我師往討便來救援計不久自當擒滅縱

其不得終不以契丹易之

明年摩會復入朝賜鼓纛由是有常貢

太宗伐

高麗

悉發酋長與奚首領從軍

至營州會其君長及老人等賜物各

有差授其蕃長窟哥為左武衛將軍

大酋辱紇主曲據又率眾歸即其部

為元州拜曲據刺史隸營州都督府

二十二年窟哥等部咸請內屬乃置

松漠都督府以窟哥為左領軍將軍

使持節十州諸軍事兼松漠

都督府無極縣男賜姓李氏

以達稽部為峭落州紇便部為彈汗州獨活部為無

逢州芬間部為羽陵州突便部為日連州芮奚部為徒河州墜斤部為萬丹州伏部為匹黎赤山二州俱隸松

漠府郎以辱紇主為之刺史顯慶初又拜窟哥為左監門大將軍

窟哥

死與奚連叛行軍總管阿史德樞其曾孫新書枯莫離

賓等執松漠都督阿卜固獻東都

比伙

則天時歷左衛將軍兼檢校彈汗州刺史歸順郡王

日盡

忠

又契丹有別部酋帥孫敖曹初仕隋爲金紫光祿大

夫武德四年與靺鞨酋長突地稽俱遣使內附詔令於

營州城傍安置授雲麾將軍行遼州總管至曾孫

新書作孫

萬榮垂拱初累授左玉鈐衛將軍歸誠州刺史封永樂

縣公萬歲通天中萬榮與其妹婿松漠都督李盡忠俱

爲營州都督趙文翽所侵侮

盡忠等皆怨望萬榮本以侍子入朝知中國險易挾

亂不疑二人遂舉兵殺文翽據營州作亂盡忠卽窟哥之

肩歷位右武衛大將軍兼松漠都督則天怒其叛亂下

詔改萬榮名爲萬斬盡忠爲盡滅盡滅尋自稱無上可

汗以萬斬為大將前鋒略地所向皆下旬日兵至數萬

妄言十萬攻崇州執討擊副使許欽寂進逼檀州詔令右金吾大將軍張

元遇左鷹揚衛將軍曹仁師右武衛大將軍李多祚司農少卿麻

仁節二十率兵討之以梁王武三思為榆關道安撫大使納言姚璿為之副與萬

斬戰於西硤石谷黃摩官軍敗績元遇仁節並為賊所

虜進攻平州不克敗書聞后乃以右武衛大將軍建安王武攸宜為清邊道大總管擊契丹募天下人奴有

勇者官畀主直悉發以擊虜萬榮銜枚夜襲檀州清邊道副總管張九節募死士數百薄戰萬榮敗而走山

俄而李盡滅死萬斬代領其眾突厥默啜襲破其部萬

斬又遣別帥駱務整何阿小為遊軍前鋒攻陷冀州殺

刺史陸寶積屠官吏子女數千人又令夏官尚書王孝

傑左羽林將軍蘇宏暉領兵七萬以繼之與萬斬戰於

東峽石谷孝傑左陣陷沒宏暉弃甲而遁萬斬乘勝率

其衆入幽州殺略人吏清邊道大總管建安郡王武攸

宜遣裨將討之不能克又詔左金吾大將軍河內王武

懿宗爲神兵大總管御史大夫婁師德爲副大總管清邊

道大右武衛將軍沙吒忠義爲清邊前軍總管率兵三

新書十萬以討之萬榮銳甚鼓而南殘瀛州屬縣忒肆

本多錯簡今據俄而奚及突厥之衆掩擊其後神兵道

武后紀序正元基率奚軍掩其尾契丹大敗獲掠其幼弱收仗械萬

何阿小降別將李楷固駱務整殘隊復合與奚搏奚四

斬奔其衆以輕騎數千人東走面攻乃大潰萬榮左馳

前軍副總管張九節率數百騎設伏以邀之萬斬窮蹙

乃將其家奴輕騎宵遁至潞河東解鞍憩於林下其奴

斬之張九節傳其首於東都攸宜凱還后喜為赦自是

其餘衆遂降突厥久視元年詔左玉鈐衛大將軍李楷

之此兩人皆虜善將嘗犯邊開元二年其首領李失活

以默啜政衰率種落與頡利發內附元宗賜丹失活即

盡忠之從父弟也後二年與奚長於是復置松漠都督

府封失活為松漠郡王拜左金吾衛大將軍兼松漠都

督仍其府置靜析軍以其所統八部落各因舊帥拜為

刺史又以將軍薛泰督軍以鎮撫之明年失活入朝封

宗室

東平王

外甥

楊元嗣

女楊氏爲永樂公主以妻之六年

失活死上爲之舉哀贈特進失活從父弟娑固代統其

衆遣使冊立仍令襲其兄官爵

明年娑固與公主來朝宴賚有加

娑固

大臣可突干驍勇頗得衆心娑固謀欲除之可突干反

攻娑固娑固奔營州都督許欽澹令薛泰帥驍勇五百

人又徵奚王李大酺者及娑固合衆以討可突干官軍

不利娑固大酺臨陣皆爲可突干所殺生拘薛泰營府

震恐許欽澹移軍西入榆關可突干立娑固從父弟鬱

干爲主俄又遣使請罪上乃令冊立鬱干令襲娑固官

爵仍赦可突干之罪十年鬱干入朝請婚

授率更令案諸夷大酋人

初無授東宮官者此疑卽下文慕容嘉賓之上又封從
官新書刪嘉賓名而以鬱干爲率更令疑誤

妹夫率更令慕容嘉賓女爲燕郡公主以妻之仍封鬱

干爲松漠郡王授左金吾衛員外大將軍兼靜析軍經
略大使賜物千段鬱干還蕃可突干來朝拜左羽林將
軍從幸并州明年鬱干病死弟吐干代統其衆襲兄官
爵復以燕郡公主爲妻吐干與可突干復相猜阻十三
年携公主來奔便不敢還改封遼陽郡主因留宿衛可
突干立李盡忠弟邵固爲主詔許襲王其冬車駕東巡邵固
詣行在所因從至岳下拜左羽林軍員外大將軍靜析
軍經略大使改封廣化郡王又封皇從外甥女陳氏爲

東華公主以妻之邵固還蕃又遣可突干入朝貢方物

中書侍郎李元絃不禮焉可突干怏怏而去左丞相張

說謂人曰兩蕃必叛可突干人面獸心唯利是視執其

國政人心附之若不優禮縻之必不來矣十八年可突

干殺邵固立屈烈率部落并脅奚衆降於突厥東華公

主走投平盧軍詔幽州長史知范陽節度事趙含章擊之於是詔中書舍人

裴寬給事中薛侃等於京城及關內河東河南河北分

道募壯勇之士以忠王浚爲河北道行軍元帥以御史大夫李

朝隱京兆尹裴仙先副之帥程伯獻張文儼以討之既

宋之悌李東蒙趙萬功郭英傑等八總管兵以忠王兼河東又師竟不行二十年詔禮部尚書信安王

道諸軍元帥

禕爲

河北道

行軍副大總管領衆與幽州長史趙含章出

塞擊破之俘獲甚衆可突干率其麾下遠遁奚衆盡降禕乃班師明年可突干又來抄掠幽州長史薛楚玉遣副將郭英傑吳克勤鄔知義羅守忠率精騎萬人并領降奚之衆追擊之軍至渝關都山之下可突干領突厥兵以拒官軍奚衆遂持兩端散走保險官軍大敗知義守忠率麾下遁歸英傑克勤沒於陣其下六千餘人盡爲賊所殺詔以張守珪爲幽州長史兼御史中丞以經略之可突干漸爲守珪所逼遣使僞降俄又迴惑不定引衆漸向西北將就突厥守珪遣管紀王悔等就部落

招諭之時契丹衙官李過折與可突干分掌兵馬情不

叶悔潛誘之過折夜勒兵斬可突干屈烈及其支黨數十

人守珪使過折統其部二十三年正月傳首東都詔封過折爲北

平郡王授特進檢校松漠州都督賜錦衣一副銀器十

事絹綵三千疋其年過折爲可突干餘黨泥禮所殺并

其諸子唯一子刺乾走投安東得免拜左驍衛將軍十

五年守珪討契丹再破之有詔自今戰有功必告廟天

寶四載契丹大酋李懷秀降拜松漠都督封崇順王以

宗室出女獨孤爲靜樂公主妻之是歲殺公主叛去范

陽節度使安祿山討破之更封其酋楷洛爲恭仁王代

都督天寶十載安祿山誣其酋長欲叛請舉兵討之八

月以幽州雲中平盧之衆數萬人就潢水南契丹衙與

之戰祿山大敗而還死者數千人

自是祿山與相侵掠未嘗解至其反乃已

至十二年又降附迄於貞元常間歲來修藩禮

至德寶應間再

朝獻大厯中十三

貞元四年與奚衆同寇我振武大掠人畜而

去九年十年復遣使來朝大首領悔落拽何已下各授

官放還十一年大首領熱蘇等二十五人來朝自後至

元和長慶寶厯大和開成時遣使來朝貢

元和中七大和開成間凡

四然天子惡其外附回鶻不復官爵渠長

會昌二年九月制契丹新立五屈

戌可雲麾將軍守右武衛將軍員外置同正員幽州節

度使張仲武上言屈戌等云契丹舊用回紇印今懇請

聞奏乞國家賜印允之以奉國契丹之印爲文

咸通中其王習

爾之再造使者入朝部落寢強習爾之死族人欽德嗣
光啟時方天下盜興北疆多故乃鈔奚室韋小小部種
皆役服之因入寇幽薊劉仁恭窮師踰摘星山討之歲
燎塞下草死不得留牧馬多死契丹乃乞盟獻良馬求
牧地仁恭許之復敗約入寇劉守光戊平州契丹以萬
騎入守光僞與和帳飲具於野伏發禽其大將羣胡慟
願納馬五千以贖不許欽德輸重賂求之乃與盟十年
不敢近邊欽德晚節政不競其八部大人法常三歲代
時耶律阿保機建鼓旗為一部不肯
代自立為王而有國大賀氏遂亡

奚國蓋匈奴之別種也

亦東胡種為匈奴所破保烏丸山漢曹操斬其帥蹋頓蓋其後

也元魏時自號庫真奚

所居亦鮮卑故地即東胡之界也在京師

東北四千餘里東

北

接契丹西至突厥南拒白狼河北

至雪國自營州西北饒樂水以至其國

其國西抵大洛泊距迴紇牙三

千里多依吐護真水

勝兵三萬餘人分為五部每部置俟斤一人

風俗並於突厥每隨逐水草以畜牧為業

稼多榛已獲

為曰瓦鼎為軒雜寒水而食其馬善登其羊黑

遷徙無常

盛夏必徙保谷陁

居

有氊帳兼用車為營牙中常五百人持兵自衛此外部

落皆散居山谷無賦稅其人善射獵好與契丹戰爭

至

始去庫真

武德中遣使朝貢

武德中高開道借其兵再

但曰奚太宗貞觀三年始來朝閱十七歲凡四

貞觀二十二年

酋長可度者率其所部內屬乃置饒樂都督府以可度

者為右領軍

使持節六

兼饒樂都督封樓煩縣公賜姓

李氏

以阿會部為弱水州處和部為都黎州與失部為

洛壤州度稽部為大魯州元侯折部為渴野州各

顯慶初

護府於營州兼統松漠饒樂地置東夷校尉

又授右監門大將軍

可度者死奚遂叛五年以定襄都督阿史德樞賓左武候將軍延陀

梯真居延州都督李含珠爲冷陁道行軍總管明年詔尚書右丞崔餘慶持節總護定襄等三都督討之奚懼

乞降斬其王匹帝

萬歲通天年契丹叛後奚衆管屬突厥兩國

常遞爲表裏號曰兩蕃景雲元年其首領李大酺遣使

貢方物睿宗嘉之宴賜甚厚延和元年左羽林將軍檢

校幽州大都督孫儉

新書作下同

率兵十二萬以襲其部落

師次冷硯前軍左驍衛將軍李楷洛等與大酺會戰我

師敗績儉懼不敢進救遣使矯報大酺云我奉勅來此

招諭蕃將李楷洛等不受節度而輒用兵請斬以謝

大酺曰若奉勅招諭有何國信物儉率軍中繒帛萬餘

段并袍帶以與之大酺曰將軍可南還無相驚擾儉軍
漸失部伍大酺乃率衆逼之由是大敗兵士死傷者數
萬儉及副將周以悌爲大酺所擒送於突厥默啜並遇
害開元三年大酺遣其大臣粵蘇梅新書落來請降詔
復立其地爲饒樂州封大酺爲饒樂郡王仍拜左金吾
員外大將軍饒樂州都督五年大酺與契丹首領松漠
郡王李失活咸請於柳城依舊置營州都督府上從之
勅太子詹事姜師度充使督作役工八千餘人其年大
酺入朝詔封從外甥女辛氏爲固安公主以妻之賜物
一千五百疋遣右領軍將軍李濟持節送還蕃八年大

酺率兵救契丹戰死其弟魯蘇嗣立十年入朝詔令襲

其兄饒樂郡王右金吾員外大將軍兼保塞軍經略大

使賜物一千段仍以固安公主爲妻牙官塞默羯謀叛公主置酒誘殺之

帝嘉其功賜主累萬而公主與嫡母未和遞相論告詔令離婚復

以成安公主之女韋氏爲東光公主以妻之十四年又

改封魯蘇爲奉誠王授右羽林軍員外將軍擢其首領無慮二百

人皆位郎將十八年奚衆爲契丹衙官可突干所脅復叛降

突厥魯蘇不能制走投榆關東光公主奔歸平盧軍其

秋幽州長史趙含章發清夷軍兵擊奚破之斬首二百

級自是奚衆稍稍歸降二十年信安王禕奉詔討叛奚

奚酋長李詩瑣高等以其部落五千帳來降

以其地爲歸義州

詔封李詩爲歸義王兼特進左羽林軍大將軍同正仍

充歸義州都督賜物十萬段移其部落於幽州界安置

李詩死子延寵嗣與契丹又叛爲幽州張守珪所困延寵降復拜饒樂都督懷信王以宗室出女楊爲宜芳公主妻之延寵

殺公主復叛天寶五載又封其王娑固爲昭信王仍授

饒樂都督

安祿山節度范陽詭邊功數與盛闢盛節俘以獻誅其君李日越料所俘驍壯戍雲南終

帝世凡八朝獻

自大厯後朝貢時至

至德大厯間十二

貞元四年七月

奚及室韋寇振武十一年四月幽州奏卻奚六萬餘衆

德宗時兩朝獻

元和元年其王饒樂府都督襲歸誠王梅落來

朝加檢校司空放還蕃三年以奚首領索低

新書

爲右

新書左武威衛將軍同正充檀薊兩州遊奕兵馬使孤平

州遊奕兵馬使仍賜姓李氏然陰結同鸛室韋八年遣使來朝

十一年遣使獻名馬爾後每歲朝貢不絕或歲中二三

至大和四年復盜邊盧龍李載義破之執大將二百餘人縛其帥茹羯來獻文宗賜冠帶授右驍衛將軍後

五年大首領匿舍朗來朝大中元年北部諸山奚悉叛

盧龍張仲武禽酋帥燒帳落二十萬取其刺史以下

耳三百羊牛七萬輜車貯五百乘獻京師咸通九年其王

突董蘇使大都督薩葛入朝是後契丹方強奚不敢亢

而舉部役屬虜政苛奚怨之其酋去諸故事常以范陽

引別部內附保媯州北山遂為東西奚故事常以范陽節度使為押奚契丹兩蕃使自至德之後藩臣多擅封

壤朝廷優容之彼務自完不生邊事故二蕃亦少為寇

其每歲朝賀常各遣數百人至幽州則選其酋渠三五

十人赴闕引見於麟德殿賜以金帛遣還餘皆駐而館之率爲常也

室韋者契丹之別類也東胡之北邊蓋居徃越河北地

黃龍其國在京師東北七千里東至黑水靺鞨西至突厥

南接契丹北至於海其國無君長有大首領十七人並

號莫賀弗新書世管攝之酋帥死以子弟繼而附於突

厥小或千戶大數千戶濱散川谷逐水草而處每溽暑

居以西保貨勃次對二山山多草木鳥獸然苦飛蚊則巢

避以兵器有角弓楛矢尤善射時聚弋獵事畢而散每

共構大棚死者寘尸其上喪期其人土著無賦歛或爲

小室以皮覆上相聚而居或屈木以葺蔭至數十百家

剡木爲犁不加金刃人牽以種不解用牛田獲甚福其氣候多寒

夏多霧雨冬多霜霰其畜無羊馬畜宜犬豕豢養而噉之其

皮用以爲韋男子女人通以爲服被髮左衽率乘牛車蓬蔭爲室

度水則束薪爲桴或以皮爲舟馬皆草鞮繩羈勒其語言鞮鞻也其家富者項著五色

雜珠婚嫁之法男先就女舍三年役力因得親迎其婦

役日已滿女家分其財物夫婦同車而載鼓舞共歸夫死

不再嫁武德中獻方物貞觀三新書年遣使貢豐貂自此

朝貢不絕又云室韋我唐字疑有九部焉所謂嶺西室

韋山北室韋黃頭室韋大如者室韋小如者室韋婆蒿

烏戈反室韋訥北室韋駱駝室韋並在柳城郡之東北近

者三千五百里遠者六千二百里今室韋最西與迴紇

接界者烏素固落部當俱輪

新書倫

泊之西南次東有移

塞沒部落次東又有塞曷支部落此部落有良馬人戶

亦多居啜河之南

新書陰

其河彼俗謂之燕支河次又有

和解部落次東又有烏羅護部落又有那禮部落又東

北有山北室韋又北有小如者室韋又北有婆蒿室韋

東又有嶺西室韋又東南至黃頭室韋此部落兵強人

戶亦多東北與達垢接嶺西室韋北又有訥北支室韋

此部落校小烏羅護之東北二百餘里那河之北有古

烏丸之遺人今亦自稱烏丸國武德貞觀中亦遣使來

朝貢其北大山之北有大室韋部落其部落傍望

新書室

建河居其河源出突厥東北界俱輪泊屈曲東流經西

室韋界又東經大室韋界又東經蒙兀

新書瓦

室韋之北

落俎

新書坦

室韋之南又東流與那河忽汗河合又東經

南黑水靺鞨之北北黑水靺鞨之南東流注於海烏丸

東南三百里又有東室韋部落在獯越河之北其河東

南流與那河合

長壽二年叛將軍李多祚擊定開元天

寶間比年或間歲入貢

凡十

大厯中亦頻遣使來貢

大厯

中十一

貞元八年閏十二月室韋都督和解熱素等一

十人來朝

貞元四年與奚共寇振武節度使唐朝臣方

郊勞天子使者驚而走軍室韋執詔使大殺

掠而去明年使者來謝大和五年至八年凡三遣使來九年十二

月室韋大勝督阿成等三十人來朝開成會昌中亦遣

使來朝貢不絕

大中中一來成通中大酋恒烈與奚皆遣使至京師

靺鞨蓋肅慎之地

亦曰挹婁

後魏謂之勿吉在京師東北六

千餘里東至於海西接突厥南界高麗北鄰室韋其國

凡為數十部各有酋帥

其著者曰粟末部居最南抵太白山亦曰徒太山與高麗接依

粟末水以居水源於山西北注他漏河稍東北曰汨咄

部又次曰安居骨部益東曰拂涅部居骨之西北曰黑

水部粟末之東曰白山部部或附於高麗或臣於突厥

而黑水靺鞨最處北方尤稱勁健每恃其勇恒為鄰境

綴野豕牙插雉尾為冠飾自別於諸部

性凶悍無憂戚貴

壯而賤老無屋宇並依山水掘地而穴架木於上以土

覆之狀如中國之冢墓相聚而居夏則出隨水草冬則

入處穴中

以溺盥面於夷狄最濁穢

父子相承世爲君長

其酋曰大莫拂瞞咄

俗無文字兵器有角弓及楛矢

石鏃長二寸蓋楛弩遺法

其畜宜猪

富人至數百口食其肉而衣其皮

無牛羊有車馬田耦以耕車則步推有粟

麥土多貂鼠白兔白鷹有鹽泉氣蒸薄鹽凝樹顛

死者穿地埋之以身襯土無

棺斂之具殺所乘馬於屍前設祭有酋帥突地稽者隋

末率其部千餘家內屬處之於營州煬帝授突地稽金

紫光祿大夫遼西太守武德初遣間使朝貢

五年渠長阿固郎始

來太宗貞觀二年乃臣附所獻有常

以其部落置燕州仍以突地稽爲總

管劉黑闥之叛也突地稽率所部赴定州遣使詣太宗

請受節度以戰功封著

新書

國公又徙其部落於幽州

之昌平城會高開道引突厥來攻幽州突地稽率兵邀擊大破之貞觀初拜右衛將軍賜姓李氏尋卒子謹行偉貌武力絕人麟德中歷遷營州都督其部落家僮數千人以才力雄邊爲夷人所憚累拜右領大將軍爲積石道經略大使吐蕃論欽陵等率衆十萬人入寇湟中謹行兵士樵採素不設備忽聞賊至遂建旗伐鼓開門以待之吐蕃疑有伏兵竟不敢進上元三年又破吐蕃數萬衆於青海降璽書勞勉之累授鎮軍大將軍行

右衛大將軍封燕國公永淳元年卒贈幽州都督陪葬
乾陵自後或有酋長自來或遣使來朝貢每歲不絕其
白山部素附於高麗因收平壤之後部衆多入中國汨
咄安居骨室等部亦因高麗破後奔散微弱後無聞焉
縱有遣人並爲渤海編戶惟黑水部全盛分爲十六部
部又以南北爲稱帝伐高麗其北部反與高麗合高惠
真等率衆援安市每戰靺鞨常居前
帝破安市執惠真收靺鞨兵三千餘悉坑之開元
十年其酋倪屬利稽來朝元宗卽拜勃利州刺史開元
十三年安東都護薛泰請於黑水靺鞨內置黑水軍續
更以最大部落爲黑水府仍以其首領爲都督諸部刺
史隸屬焉中國置長史就其部落監領之十六年其都

督賜姓李氏名獻誠授雲麾將軍兼黑水經略使仍以

幽州都督爲其押使凡七貞元一朝獻者十五大厯世自此

朝貢不絕初黑水西北又有思慕部益北行十日得郡

南行十日得莫曳皆部又有拂涅虞婁越喜鐵利等部

其地南距渤海北東際於海西抵室韋南北袤二千里

東西千里拂涅鐵利虞婁越喜時時通中國而郡利屈

說莫曳皆不能自通今存其朝京師者附左方拂涅亦

稱大拂涅開元天寶間八來獻鯨睛貂鼠白兔皮鐵利

開元中六來越喜七來貞元中一來虞婁貞觀間再來

貞元一來後渤海盛靺鞨皆役屬之不復與王會矣

渤海靺鞨大祚榮者本粟末靺鞨附本高麗別種也高

麗旣滅祚榮率家屬徙居營州萬歲通天年契丹李盡

忠反叛祚榮新書作祚榮父舍利與靺鞨乞四比羽各

乞乞仲象當從新書

領亡命東奔

度遼水保太白山之東北阻奧婁河

保阻以自固盡忠旣死

武后封乞四比羽爲許國公乞乞仲象爲震國公赦其罪比羽不受命

則天命右玉鈴衛

大將軍李楷固

中郎將索仇

率兵討其餘黨先破斬乞四比

羽

是時仲象已死其子祚榮引殘疾遁去楷固窮躡

又度天門嶺以迫祚榮祚

榮合高麗靺鞨之衆以拒楷固王師大敗楷固脫身而

還屬契丹及奚盡降突厥道路阻絕則天不能討祚榮

遂率其衆東保桂

新書挹下同作桂疑誤

婁之故地據東牟山築

城以居之祚榮驍勇善用兵靺鞨之衆及高麗餘燼稍

稍歸之聖厓中自立爲振

新書震

國王遣使通於突厥其

地在營州之東二千里南

北

與新羅相接

以泥河爲境

越熹

新書

喜 靺鞨東北至黑水靺鞨

東窮海

地方二

新書

千里

編戶十餘萬勝兵數萬人

盡得扶餘沃沮并韓朝鮮海北諸國

風俗與高

麗及契丹同頗有文字及書記

地有五京十五府六十

京曰龍泉府領龍湖渤三州其南為中京曰顯德府領

盧顯鐵湯榮興六州獫狁故地為東京曰龍原府亦曰

柵城府領慶鹽穆賀四州沃沮故地為南京曰南海府

領沃晴椒三州高麗故地為西京曰鴨渚府領神桓豐

正四州曰長嶺府領扶仙二州鄭頡府領鄭高二州挹婁

屯勁兵并契丹領扶仙二州安邊府領安瓊二州率賓

故地為定理府領定潘二州安邊府領安瓊二州率賓

故地為率賓府領華益建三州拂涅故地為東平府領

伊蒙沱黑比五州鐵利故地為鐵利府領廣汾蒲海義

歸六州越喜故地為懷遠府領達越懷紀富美福邪芝

九州安遠府領寧鄒慕常四州又鄂銅凍三州為獨奏

州涑州以其近涑沫江蓋所謂粟末水也龍泉東南瀕

海日本道也南海新羅道也鴨渚朝貢道也長嶺營州

道也扶餘契丹道也俗謂王曰可毒夫曰聖主曰基下

其命爲教王之父曰老王母太妃妻貴妃長子曰副王
諸子曰王子官有宣詔省左相左平章事侍中左常侍
諫議居之中臺省右相右平章事內史詔諸舍人居之
政堂省大內相一人居左右相上左右司政各一居左
右平章事之下以比僕射左右允比二丞左六司忠仁
義部各一卿居司政下支司爵倉膳部部有郎中員外
右六司智禮信部支司戎計水部卿郎準左以比六官
中正臺大中正一比御史大夫居司政下少正一又有
殿中寺宗屬寺有大令文籍院有監令監皆有少太常
司賓太農寺寺有卿司藏司膳寺寺有令丞胄子監有
監長巷伯局有常侍等官其武員有左右猛賁熊衛熊
衛南左右衛北左右衛各大將軍一將軍一大抵憲象
中國制度如此以品爲秩三秩以上服紫牙笏金魚五
秩以上服緋牙笏銀魚六秩七秩淺緋衣八秩綠衣皆
木笏俗所貴者曰太白山之菟南海之昆布柵城之豉
扶餘之鹿鄭頡之豕率賓之馬顯州之布沃州之綿龍
州之紬位城之鐵盧城之稻湄沱湖之鯽果有九中宗
都之李樂遊之梨自營平距京師蓋八千里而遠中宗

卽位遣侍御史張行岌往招慰之祚榮遣子入侍將加

冊立會契丹與突厥連歲寇邊使命不達睿宗先天二

年遣郎將崔訢往冊拜祚榮爲左驍衛員外大將軍渤海

郡王仍以其所通爲忽汗州加授忽汗州都督自是

每歲遣使朝貢

始去靺鞨號專稱渤海

開元七年祚榮死

私諡爲高王

元宗遣使弔祭乃冊立其嫡子桂婁郡王大武藝襲父

爲左驍衛大將軍渤海郡王忽汗州都督

武藝立斥大土宇東北諸

夷畏臣之私改年曰仁安

十四年黑水靺鞨遣使來朝詔以其地爲

黑水州仍置長史遣使鎮押武藝謂其屬曰黑水途經

我境始與唐家相通舊請突厥吐屯皆先告我同去

今不計會卽請漢官必是與唐家通謀腹背攻我也遣

母弟大門藝及其舅任雅

新書雅相案雅相武后時發人非夷人也相字當衍

發

兵以擊黑水門藝曾充質子至京師開元初還國至是謂武藝曰黑水請唐家官吏卽欲擊之是背唐也唐國人衆兵強萬倍於我一朝結怨但自取滅亡昔高麗全盛之時強兵三十餘萬抗敵唐家不事實伏唐兵一臨掃地俱盡今日渤海之衆數倍少於高麗乃欲違背唐家事必不可武藝不從門藝兵至境又上書固諫武藝怒遣從兄大壹夏代門藝統兵徵門藝欲殺之門藝遂乘其衆間道來奔詔授左驍衛將軍武藝尋遣使朝貢仍上表極言門藝罪狀請殺之上密遣門藝往安西仍

報武藝云門藝遠來歸投義不可殺今流向嶺南已遣

去訖乃留其使馬文軌葱勿雅別遣使鴻臚少卿李道遂源復報

之俄有洩其事者武藝又上書云大國示人以信豈有

欺誑之理今聞門藝不向嶺南伏請依前殺却由是鴻

臚少卿李道遂源度以不能督察官屬致有漏洩左遷

道遂爲曹州刺史復爲澤州刺史遣門藝蹙向嶺南以

報之二十年武藝遣其將張文休率海賊攻登州刺史

韋俊詔遣門藝往幽州徵兵以討之仍令太僕員外卿

金思蘭往新羅發兵以攻其南境屬山阻寒凍雪深丈

餘兵士死者過半竟無功而還武藝懷怨不已密遣使

至東都假刺客刺門藝於天津橋南門藝格之不死詔

河南府捕獲其賊盡殺之二十五年武藝病卒私謚其

子欽茂嗣立改年大興詔遣內侍段守簡往冊欽茂為渤海

郡王仍嗣其父為左驍衛大將軍忽汗州都督欽茂承

詔赦其境內遣使隨守簡入朝貢獻天寶末欽茂徙上京有舊國三百里

忽汗河之東訖帝世朝獻者二十九寶應元年詔以渤海為國欽茂為王進檢校太尉大厯二年

至十年頻遣使來朝或間歲而至或歲內二三至者十

二年正月遣使貢日本國舞女一十一人及方物四月

十二月使復來凡二十建中三年五月貞元七年正月

皆遣使來朝授其使大常靖為衛尉卿同正令還蕃八

月其王子大貞翰來朝請備宿衛十年正月以來朝王

子大清允爲右衛將軍同正其下三十餘人拜官有差

貞元時東南徙東京欽茂死私謚文王子宏臨早死族弟元義立一歲猜虐國人殺之推宏臨子華嶼爲王復還上京改年中興死謚曰成王十一年二月遣常侍殷

欽茂少子嵩鄰立改年正厯

右驍衛大將軍

志贍冊大嵩璘爲渤海郡王十四年加銀青光

祿大夫檢校司空進封渤海郡王嵩璘父欽茂開元中

襲父位爲郡王左金吾大將軍天寶中累加特進太子

詹事賓客寶應元年進封國王大厯中累加拜司空大

尉及嵩璘襲位但授其郡王將軍而已嵩璘遣使叙理

故再加冊命十一月以王姪大能信爲左驍衛中郎將

虞候婁蕃長都督茹富仇爲右武衛將軍放還二十一

年遣使來朝順宗加嵩璘金紫光祿大夫檢校司空元

和元年十月加檢校太尉十二月遣使朝貢嵩璘死四
諡康王

年以嵩璘男元瑜爲銀青光祿大夫檢校祕書監忽汗

州都督依前渤海國王改年
永德五年遣使朝貢者二十七年

亦遣使來朝元瑜死
諡定王八年正月授元瑜弟權知國務言

義銀青光祿大夫檢校祕書監都督渤海國王遣內侍

李重旻使焉改年
朱雀十三年遣使來朝且告哀言義死諡
僖王弟明

忠立改年太始立一歲死諡簡王從父仁
秀立改年建興其四世祖野勃祚榮弟也五月以知國

務大仁秀爲銀青光祿大夫檢校祕書監都督渤海國

王仁秀頗能討伐海北諸部開大境宇

十五年閏正月遣使來朝加大仁

秀金紫光祿大夫檢校司空十二月復遣使來朝貢長

慶二年正月又遣使來四年二月大獻等五人來朝請

備宿衛寶厯中比歲修貢大和元年四月皆遣使來朝

五年大仁秀卒

諡宣王子德新蚤死孫彝震立

以權知國務大彝震爲

銀青光祿大夫檢校祕書監都督渤海國王

改年咸和

六年

遣王子大明俊等來朝七年正月遣同中書右平章事

高寶英來謝冊命仍遣學生三人隨寶英請赴上都學

問先遣學生三人事業稍成請歸本國許之二月王子

大成先晟等六人來朝開成後亦修職貢不絕

終文宗世來朝

十二會昌凡四彝震死弟虔晃立死元錫立咸通時三朝獻幽州節度使與相聘問後朝貢至否史家失傳故叛附無考焉

雪匈奴之別種也居於潢水北亦鮮卑之故地其國在

京師東北五千里

與同羅僕骨接避薛延陀保奧支水冷陁山

東接靺鞨西

至突厥

西拔野古

南至契丹北與烏羅渾接地周二千里四

面有山環繞其境人多善射獵好以赤皮爲衣緣婦人

貴銅釧衣襟上下懸小銅鈴風俗畧與契丹同有都倫

紇斤部落四萬戶勝兵萬餘人

其部有三曰居延曰無若沒曰潢水其君長臣

突厥頡利可

貞觀三年其君長遣使貢方物

後列其地爲賓顏州

汗爲侯斤以別部爲居延州卽用侯斤爲刺史顯慶五年授酋長李含珠爲居延都督含珠死弟厥都繼之後無聞焉

烏羅渾國蓋後魏之烏洛侯也今亦謂之烏羅護其國
在京師東北六千三百里東與靺鞨西與突厥南與契
丹北與烏丸接烏丸或曰古丸風俗與靺鞨同貞觀六年其君
長遣使獻貂皮焉

拔野古亦曰拔野固或爲拔曳固散漫磧北地千里直
僕骨東鄰於靺鞨帳戶六萬兵萬人地有薦草產良馬
精鐵有川曰康干河斷松投之三年輒化爲石色蒼緻
然節理猶在世謂康干石者俗嗜獵射少耕穫乘木逐
鹿冰上風俗大抵鐵勒也言語少異貞觀三年與僕骨
同羅奚霫同入朝二十一年大俟利發屈利失舉部內

屬置幽陵都督府拜屈利失右武衛大將軍卽爲都督
顯慶時與思結僕固同羅叛以左武衛大將軍鄭仁泰
擊之斬其渠首至天寶間能自來朝

僕骨亦曰僕固在多覽葛之東帳戶三萬兵萬人地最
北俗梗驚難召率始臣突厥後附薛延陀延陀滅其酋
婆匄俟利發歌濫拔延始內屬以其地爲金微州拜歌
濫拔延爲右武衛大將軍徽州都督開元初爲首領僕
固所殺詣朔方降有司誅之子曰懷恩至德時以功至
朔方節度使自有傳

同羅在薛延陀北多覽葛之東距京師七千里而羸勝

兵三萬貞觀二年遣使者入朝久之請內屬置龜林都督府拜酋俟利發時健啜爲左領軍大將軍卽授都督安祿山反刼其兵用之號曳落河者也曳落河猶言健兒云

渾在諸部最南者突厥頡利敗時有俟利發阿貪支欸塞薛延陀之滅大俟利發渾汪舉部內向以其地爲臯蘭都督府後分東西州太宗以阿貪支於汪屬尊遣譯者諷汪汪欣然避位帝嘉其讓以阿貪支爲右領軍衛大將軍臯蘭州刺史汪雲麾將軍兼俟利發爲之副阿貪支死子回貴嗣回貴死子大壽嗣大壽死子釋之嗣

釋之驚勇不凡從哥舒翰拔石堡城遷右武衛大將軍
封汝南郡公李光弼保河陽釋之以朔方都知兵馬使
爲裨將進寧朔郡王知朔方節度留後僕固懷恩之走
聲爲歸鎮釋之曰是必衆潰將拒之其甥張韶曰彼如
悔禍還鎮渠可不納釋之信之乃納懷恩懷恩已入使
韶殺釋之收其軍案兩書渾瑊傳釋之廣德中與吐蕃戰沒於靈武此云爲懷恩所殺誤
已而惡韶罵曰若負舅肯忠於我折其脛囚死彌戕城
案兩書僕固懷恩傳懷恩死韶代領其衆此云爲懷恩囚死誤釋之子城建中功臣也
自有傳

契苾亦曰契苾羽在焉耆西北鷹娑川多覽葛之南其

酋哥楞自號易勿真莫賀可汗弟莫賀咄特勒皆有勇
莫賀咄死子何力尚紐率其部來歸時貞觀六年也詔
處之甘涼間以其地爲榆溪州永徽四年以其部爲賀
蘭都督府隸燕然都護何力有戰功忠節臣也大和中
其種帳附於振武云

多覽葛亦曰多濫在薛延陀東濱同羅水勝兵萬人延
陀已滅其酋侯斤多濫葛末與回紇皆朝以其地爲燕
然都護府授右衛大將軍卽爲府都督死以多濫葛塞
匐爲大俟利發繼爲都督

阿跌亦曰訶咥或爲跌跌始與拔野古等皆朝以其地

爲雞田州開元中蹶蹶思泰自突厥默啜所來降其後
光進光顏皆以戰功至大官賜李氏附屬籍自有傳

葛邏祿本突厥諸族在北庭西北金山之西跨僕固振
水包多怛嶺與車鼻部接有三族一謀落或爲謀刺二
熾俟或爲婆匐三踏實力永徽初高侃之伐車鼻可汗
三族皆內屬顯慶二年以謀落部爲陰山都督府熾俟
部爲大漠都督府踏實力部爲元池都督府卽用其酋
長爲都督後分熾俟部置金附州三族當東西突厥間
常視其興衰附叛不常也後稍南徙自號三姓葉護兵
強甘於鬪延州以西諸突厥皆畏之開元初再來朝天

寶時與回紇拔悉密共攻殺烏蘇米施可汗又與回紇
擊拔悉密走其可汗阿史那施於北庭奔京師葛祿與
九姓復立回紇葉護所謂懷仁可汗者也於是葛祿之
處烏德犍山者臣回紇在金山北庭者自立葉護歲來
朝久之葉護頓毗伽縛突厥叛酋阿布思進封金山郡
王天寶間凡五朝至德後葛邏祿寢盛與回紇爭強徙
十姓可汗故地盡有碎葉怛邏斯諸城然限回紇故朝
會不能自達於朝

拔悉密貞觀二十三年始來朝天寶初與回紇葉護擊
殺突厥可汗立拔悉密大酋阿史那施爲賀臘毗伽可

汗遣使者入謝元宗賜紫文袍金鈿帶魚袋不三歲爲
葛邏祿回紇所破奔北庭後朝京師拜左武衛將軍地
與衆歸回紇

都播亦曰都波其地北瀕小海西堅昆南回紇分三部
皆自統制其俗無歲時結草爲廬無畜牧不知稼穡土
多百合草掇其根以飯捕魚鳥獸食之衣貂鹿皮貧者
緝鳥羽爲服其昏姻富者納馬貧者效鹿皮草根死以
木匱歛置山中或系於樹送葬哭泣與突厥同無刑罰
盜者倍輸其贓貞觀二十一年因骨利幹入朝亦以使
通中國

斛薛處多濫葛北勝兵萬人奚結處同羅北思結在延陀故牙二部合兵凡二萬旣來朝列其地州縣之太宗時北狄自能通者又有鞠或曰臧居拔野古東北有木無草地多苔無羊馬人參鹿若牛馬惟食苔俗以駕車又以鹿皮爲衣聚木作屋尊卑共居又有俞折者地差大俗與拔野古相埒少羊馬多貂鼠又有駸馬者或曰弊刺曰遏羅支直突厥之北距京師萬四千里隨水草然喜居山勝兵三萬地常積雪木不凋以馬耕田色皆駸因以名國云北極於海雖畜馬而不乘資湏酪以食好與結骨戰人貌多似結骨而語不相通皆薊髮樺皮

星三三
三
帽構木類并幹覆樺爲室各有小君長不能相臣也大
漢者處鞠之北饒羊馬人物頗大故以自名與鞠俱鄰
於黠戛斯劍海之瀕此皆古所未賓者當貞觀逮永徽
奉貂馬入朝或一再至

黠戛斯古堅昆國也地當伊吾之西焉耆北白山之旁
或曰居勿曰結骨其種雜丁零乃匈奴西鄙也匈奴封
漢降將李陵爲右賢王衛律爲丁零王後郅支單于破
堅昆於時東距單于庭七千里南車師五千里郅支留
都之故後世得其地者訛爲結骨稍號紇骨亦曰紇圪
斯云衆數十萬勝兵八萬直回紇西北三千里南依貪

漫山地夏沮洳冬積雪人皆長大赤髮皙面綠瞳以黑髮爲不祥黑瞳者必曰陵苗裔也男少女多以環貫耳俗趨伉男子有勇黥其手女已嫁黥項雜居多淫佚謂歲首爲茂師哀以三哀爲一時以十二物紀年如歲在寅則曰虎年氣多寒雖大河亦半冰稼有禾粟大小麥青稞步磴以爲麪糜稌以二月種九月穫以飯以釀酒而無果蔬畜馬至壯大以善鬪者爲頭馬有橐它牛羊牛爲多富農至數千其獸有野馬骨咄黃羊羴羝鹿黑尾黑尾者似麀尾大而黑魚有蔑者長七八尺莫痕者無骨口出頤下鳥雁鶩烏鵲鷹隼木松樺榆柳蒲松高

者仰射不能及顛而樺尤多有金鐵錫每兩俗必得鐵
號迦沙爲兵絕犀利常以輪突厥其戰有弓矢旗幟其
騎士析木爲盾蔽股足又以圓盾傳肩可捍矢刃其君
曰阿熱遂姓阿熱氏建一纛下皆尚赤餘以部落爲之號
服貴貂貉阿熱冬帽貂夏帽金釵銳頂而卷末諸下皆
帽白氊喜佩刀礪賤者衣皮不帽女衣毳毼錦罽綾蓋
安西北庭大食所貿售也阿熱駐牙青山周柵代垣聯
氊爲帳號密的支他首領居小帳凡調兵諸部役屬者
悉行內貂鼠青鼠爲賦其官宰相都督職使長史將軍
達干六等宰相七都督三職使十皆典兵長史十五將

軍達千無員諸部食肉及馬酪惟阿熱設餅餌樂有笛鼓笙觱篥盤鈴戲有弄駝師子馬伎繩伎祠神惟主水草祭無時呼巫爲甘昏嫁納羊馬以聘富者或百千計喪不瘡面三環尸哭乃火之收其骨歲而乃墓然後哭泣有節冬處室木皮爲覆其文字言語與回鶻正同法最嚴臨陣撓奉使不稱妄議國若盜者皆斷首子爲盜以首著父頸非死不脫阿熱牙至回鶻牙所索它四十日行使者道出天德右二百里許抵西受降城北三百里許至鷗鵲泉泉西北至回鶻牙千五百里許而有東西二道泉之北東道也回鶻牙北六百里得仙娥河河

東北曰雪山地多水泉青山之東有水曰劍河偶艇以
度水悉東北流經其國合而北入於海東至木馬突厥
三部落曰都播彌列哥餓支其酋長皆爲頡斤樺皮覆
室多善馬俗乘木馬馳冰上以板藉足屈木支腋蹴輒
百步勢迅激夜鈔盜晝伏匿堅昆之人得以役屬之堅
昆本強國也地與突厥等突厥以女妻其酋豪東至骨
利幹南吐蕃西南葛邏祿始隸薛延陀延陀以頡利發
一人監國其酋長三人曰訖悉輩曰居沙波輩曰阿米
輩其治其國未始與中國通貞觀二十二年間鐵勒等
已入臣卽遣使者獻方物其酋長俟利發失鉢屈阿棧

身入朝太宗勞享之謂羣臣曰往渭橋斬三突厥自謂
功多今俟利發在席更覺過之俟利發酒酣奏願得持
笏帝以其地爲堅昆府拜俟利發左屯衛大將軍卽爲
都督隸燕然都護高宗世再來朝景龍中獻方物中宗
引使者勞之曰而國與我同宗非他蕃比屬以酒使者
頓首元宗世四朝獻乾元中爲回紇所破自是不能通
中國後狄語訛爲黠戛斯蓋回鶻謂之若曰黃赤面云
又訛爲憂戛斯然常與大食吐蕃葛祿相依仗吐蕃之
往來者畏回鶻剽鈔必住葛祿以待黠戛斯護送大食
有重錦其載二十橐駝乃勝旣不可兼負故裁爲二十

正每三歲一餉黠戛斯而回鶻授其君長阿熱官爲毗
伽頓頡斤回鶻稍衰阿熱卽自稱可汗其母突厥施女
也爲母可敦妻葛祿葉護女爲可敦回鶻遣宰相伐之
不勝拏鬪二十年不解阿熱恃勝乃肆詈曰爾運盡矣
我將收爾金帳於爾帳前馳我馬植我旗爾能抗亟來
卽不能當疾去回鶻不能討其將句祿莫賀導阿熱破
殺回鶻可汗諸特勒皆潰阿熱身自將焚其牙及公主
所廬金帳者回鶻可汗常坐也乃悉收其實貲并得太
和公主遂徙牙牢山之南牢山亦曰睹蒲距回鶻舊牙
度馬行十五日阿熱以公主唐貴女遣使者衛送公主

還朝爲回鶻烏介可汗邀取之并殺使者會昌中阿熱
以使者見殺無以通於朝復遣注吾合素上書言狀注
吾虜姓也合言猛素者左也謂猛武善左射者行三歲
至京師武宗大悅班渤海使者上以其處窮遠能修職
貢命太僕卿趙蕃持節臨慰其國詔宰相卽鴻臚寺見
使者使譯官考山川國風宰相德裕上言貞觀時遠國
皆來中書侍郎顏師古請如周史臣集四夷朝事爲王
會篇今黠戛斯大通中國宜爲王會圖以示後世有詔
以鴻臚所得績著之又詔阿熱著宗正屬籍是時烏介
可汗餘衆託黑車子阿熱願乘秋馬肥擊取之表天子

請師帝令給事中劉濛爲巡邊使朝廷亦以河隴四鎮十八州久淪夷狄幸回鶻破弱吐蕃亂相殘齧可乘其衰乃以右散騎常侍李拭使黠戛斯冊君長爲宗英雄武誠明可汗未行而武宗崩宣宗嗣位欲如先帝意或謂黠戛斯小種不足與唐抗詔宰相與臺省四品以上官議皆曰回鶻盛時有冊號今幸衰亡又加黠戛斯後且生患乃止至大中元年卒詔鴻臚卿李業持節冊黠戛斯爲英武誠明可汗逮咸通間三來朝然卒不能取回鶻後之朝聘冊命史臣失傳

史臣曰北狄密邇中華侵邊蓋有之矣東夷隔礙瀛海

作梗罕常聞之非爲勢使之然抑亦稟於天性太平之人仁空峒之人武信矣隋煬帝縱欲無厭興兵遼左急歛暴欲由是而起亂臣賊子得以爲資不戢自焚遂亡其國我太宗文皇帝親馭戎輅東征高麗雖有成功所損亦甚及凱還之日顧謂左右曰使朕有魏徵在必無此行矣則是悔於出師也可知矣何者夷狄之國猶石田也得之無益失之何傷必務求虛名以勞有用但當修文德以來之被聲教以服之擇信臣以撫之謹邊備以防之使重譯來庭航海入貢茲庶得其道也

贊曰東夷之人北狄之俗爰考周官是稱蠻服未得無

傷已得何足宜務懷柔謂之羈束

新書贊曰唐之德大矣際天所覆悉臣而屬之薄海內外無不州縣遂尊天子曰天可汗三王以來未有以過之至荒區君長待唐璽纛乃能國一爲不賓隨輒夷縛故蠻琛夷寶踵相待於庭極熾而哀厥禍內移天寶之後區夏瘼破王官之威北不踰河西止秦邠陵夷百年逮於亡顧不痛哉故曰治已治人惟聖人能之

唐書卷第二百五十九下